

摘藻堂四庫全書薈要

集部

欽定四庫全書薈要

集部

明詩綜卷十

六七

詳校官編修臣王天祿



欽定四庫全書薈要卷二萬四百八十九

集部

明詩綜卷十六

翰林院檢討朱彝尊編

劉仔肩

三首

仔肩字汝弼鄱陽人洪武初用薦應召至京

靜志居詩話汝弼一應鶴書旋集都人士詩為雅頌正音而以已作附之殆游大人以成名者是時許中脫仲孚則編光岳英華偶桓武孟則編乾坤清氣賴良善卿則編大雅集沈吳士偁則編明詩選雖擇焉不精然草昧之初干戈甫戢風雅未墜於地至今得存不可謂非聲賢揚

北之
功也

贈張時敬還荆南

隨牒適荆土倦游滯京畿謀生苦拙訥事與心恒違朋
儔一踈濶山川復閒之音問曠莫達何為遽來斯世故
有變遷歲月成推移顏藻減丹渥衣塵化為縑稍欣披
雲霧復覩聯珠璣意愜苦不早情深發彌遲夕語厭促
漏晨遊恐斜暉論舊已慨歎况乃重乖離春草滿南浦
時花匝郊圻乖人無為懽感物悲路歧昔別已三載重

來復何時幸茲書軌同遠邇無不宜逸足志四海羈禽
戀故枝言念屬繁翰聊以叙所思

春曉曲

紫絲複帳流蘇結雲母屏風疊香雪門前嬌柳乳鴉啼
暖漏丁丁曉將徹花枝入簾紅尚小蘭露著衣香不歇
江南行客歸未歸芳草春風滿城闕

望闕口號

閭闔排雲玉

一作寶

殿開千官鳴珮

一作鸛

早朝回不知誰

獻升平

一作王褒

頌得奉君王萬壽杯

陳謨 二首

謨字一德號心吾泰和人明初聘修禮書辭歸

有海桑集

劉子高云先生鉅篇大軸流播郡邑幅巾野服翱翔山水之間門生兒子

扶攜後先使人望而敬之狎而愛之

云先生詩文出入古今變化不可測

羅子理

詩話微君大德遺民雖應弓招未庶好爵楊東

里梁不移皆其弟子洪武庚戌曾校文廣東則

孫仲衍乃其所取士矣又嘗主奉新清節書院

講席其沒也蘇平仲輒以詩云道德宗前代詩

書啟後人胡光大詩云文章漢魏鼎聲價魯瑤

璆楊詩云純明程伯子灑落邵堯夫梁詩云立

與楊詩云純明程伯子灑落邵堯夫梁詩云立

與楊詩云純明程伯子灑落邵堯夫梁詩云立

與楊詩云純明程伯子灑落邵堯夫梁詩云立

與楊詩云純明程伯子灑落邵堯夫梁詩云立

與楊詩云純明程伯子灑落邵堯夫梁詩云立

與楊詩云純明程伯子灑落邵堯夫梁詩云立

與楊詩云純明程伯子灑落邵堯夫梁詩云立

與楊詩云純明程伯子灑落邵堯夫梁詩云立

與楊詩云純明程伯子灑落邵堯夫梁詩云立

與楊詩云純明程伯子灑落邵堯夫梁詩云立

與楊詩云純明程伯子灑落邵堯夫梁詩云立

與楊詩云純明程伯子灑落邵堯夫梁詩云立

與楊詩云純明程伯子灑落邵堯夫梁詩云立

與楊詩云純明程伯子灑落邵堯夫梁詩云立

與楊詩云純明程伯子灑落邵堯夫梁詩云立

志希源洛研精考亭諸公推許若是其詩
云詩詩者曰寂寂乎短章春容乎大篇短章貴
清實經緯涵思深遠造其極者陶韋是也大篇
貴汪洋闊肆問變化不測不覺起乎人者李
杜是也韓退之蘇子瞻二公雄渾傑特
非飾章繪句之比此詩之至也知言哉

游天慶觀登衆妙堂

堂有玄元像奇古而蘇公小二碑及居士泉皆廢蓋茂

卒居之

琳宮宅兜牟褻汙衆妙門試窺擣衣砧上有蒼山文上
堂羅兒婦下堂飼雞豚塑像古且奇稽首玄元君端居
燕穆清誰使居人羣亦有居士泉澄源為之昏那無一

金
卷十六
寸膠可洗千丈渾

開道

開道潼關下黃流似海深由來天設險過者日傷心漢
殿芝房冷唐陵玉甃沉不應有佳氣鬱鬱尚如今

金信

三首

信字中孚金華人以茂才舉不就隱居自怡人
稱漫吟先生有春草軒集

詩話中孚為鐵厓入室弟子嘗序其詩云金華
金信從予游於松陵澤中談經斷史於古歌詩

尤工如古琴操越辭解荆卿篇博浪椎月支王
頭飲器歌其氣充其情激其辭贊以諧吁信之
詩有法矣今鐵厓所稱諸篇皆不可見惜也阮
元聲金華詩粹謂中孚於明初召入中書省進
講經史以實錄考之
蓋至正戊戌年事

洞庭曲 二首

浩蕩太湖水東西兩洞庭吹簫明月裏龍女坐來聽
湖上望蘇臺水與青天遠長風送飛帆忽到長洲苑

太陽嶺淨刹菴

林綠生晝寒蕭然水晶域今日復重來青苔見行迹雲

生身上衣月照松下石坐久聞疎鐘空山未眠夕

邾經三首

經字仲誼仁和人元進士有玩齋橐

詩話仲誼元之舊臣沐景碩編滄海遺珠以其詩歷卷益明初徙滇者也

春陪呂志學曾彥魯劉仲原同登虎丘賦呈居中長老

虎丘山前新築城虎丘寺裏斷人行梵僧自識灰千劫
蜀魄時飄淚一聲漸少松杉圍窄堵無多桃李過清明

向來游事誇金盛曾對春風詠太平

詩話虎丘詩集一卷王高士賓所錄吾鄉項氏萬春樓藏書也中載仲誼是詩同時和者呂敏志學云山上樓臺山下城朱興夾道少人行曾樸彥魯云閭閻家上見新城無復行人載酒行僧寧居中云公餘連騎入山城老衲迎陪得散行人周南老正道有至正丁酉冬督役城虎丘詩八首一云春檄建功城虎丘一云四疊新城遠澗隈一云百萬城春落村齊虎丘築城吳人亦鮮有知者予嘗泊舟山後見遺址尚存

題映雪圖

夜雪明書几寒風入綈袍如何燒鳳蠟只解醉羊羔

絡緯圖

牽牛風露滿籬根
淡月疎星夜未分
燈下有人挑錦字
機絲零亂不成文

郭文一首

文字仲炳號舟屋滇中詩人

楊用修云滇中詩人永樂間稱平居

陳郭郭名文號舟屋其詩有唐風三子遠不及也其登碧雞山太華寺一詩云湖勢欲浮雙塔去山形如擁五華來一時間筆信佳句也但全篇未稱耳

詩話舟屋竹枝詞顧仲瑛編入玉山雅集則見詩元季已流播矣用修稱是永樂間人其集既不可得無由臆決偶閱柯遺東岡集附錄滇南別意詩則平居陳郭四人之作皆存焉平名宜

武林人居名廣海昌人陳名謙吳人東岡跋云
郭居皆武士中賢者郭善詩文征南將軍都督
沐璽軒璘師之居精吏事總府辟堂簿書數十
年得官陳官鎮撫有詩名宜則松雨先生子也
黔府西熟蔗升廣南府通判所云松雨先生者
知藤縣事顯字仲微考東岡引疾去滇在景泰
二年七月別意詩即是年之作郭於元時撰竹
枝入明八十四年未必尚存用脩雖稱見其全
集竊疑竹枝非集中詩玉山
雅集所載當別是一人也

竹枝詞

金馬何曾半步行碧雞那解五更鳴
儂家夫婿久離別
恰似兩山空得名

呂誠二首

誠字敬之崑山人

閏月二十四日陪館士秦文仲陸良貴奉省臣命
祭劉龍洲先生墓

黃鵠磯頭風雨秋中原一望使人愁羣臣誰決和我議
九廟猶銜誤國羞慷慨魯連寧入海淒涼王粲重登樓
荒岡四尺先生墓再拜酌之雙玉舟

感興

靜室無塵少客過
新篁陰曳小坡陀
朝來始悟春歸盡
風裏楊花似雨多

鄭 昂 四首

昂字處抑溫州平陽人有密菴集

閏八月歸故山

負郭曾無二頃田
何由辦得買山錢
秋風八月又八月
客路一年還一年
鸞鳳俱垂赤霄翅
麒麟不受黃金鞭
功名富貴真細事
只問平生不問天

卷十六
棲遲

棲遲久慕王官谷飄泊仍依謝客巖
貧賤誰能從趙孟行藏我已卜巫咸
冥鴻豈解投矰弋老馬惟思脫轡銜
却笑杜陵生計拙晚將身世託長鑱

感懷

王粲淒涼仍去國杜陵老大竟飄蓬
荊州豈免依劉表蜀道終須謁鄭公
三禮賦成追昔日七哀歌罷起秋風
青青亦有江南草鷓鴣洲邊恨不窮

小景

水驛山橋四五里
楓林茅屋兩三家
何人踏雪尋僧去
潮退春船閣暮沙

范再一首

再字續卿休寧人有緝齋耕隱棗

乙卯冬自陝回至中牟夜與牛車同行故題驛亭
我經中年道夜竝牛車行
何人問牛喘鞭撻勢伶仃
更
惟輓下苦犢兒隨母鳴
車夫為我言吾家懷慶城來此

數百里執役難具名流囚與軍裝日夜不少停黃昏伴
牛卧飯牛到天明漢月皎千里風霜淒十程牛死急應
官欲哭還吞聲白刃尚可蹈蒼天終無情吾家有老父
日暮還力耕無糧可充饑無衣可蔽形行人聞此言泣
下如雨傾我亦征塗間垂老重飄零何時息干戈時康
歌太平

沙可學

一首

可學永嘉人元進士行省掾

詩話楊康夫有送沙可學序其略云某官奉總行者事未從事格之賢能者首得一人馬曰沙可學氏又得一人馬曰高則誠氏又得一人馬曰葛元哲氏三人者用而漸稱治三人者天府登其鄉書大廷榮其高等而拜進士出身賜任州理佐理之職者也可學僅存詠懷詩蓋德庚申君北狩而作者句指賈魯挑河言也

詠懷

疏鑿功成王氣衰九重端拱尚無為
貪夫柄國忠良沒巨敵臨郊社稷危
萬里朔雲沙漠漠六宮禁御草離離
金輿玉輅無消息腸斷西風白雁飛

游莊一首

莊字子敬

所聞有感

塵飛鹿走力難任
巡幸沙邊悔恨深
鳥篆未經銜軹道
龍文先自徙汾陰
空傳行在淪孤憤
無復寰區過八音
聖德神功俱泯滅
英雄千載一沾襟

詩話此詩蓋開庚申君之計而作也是歲庚戌北元
人謠曰惠宗其子嗣立於應昌改元宣光頒示高麗
高麗不奉詔故云無復寰區過八音既而北
元主走和林後謠昭宗見鄭麟趾高麗史

王 旬 一 首

旬字子宣

詩話高季迪以詩得妻王子宣亦以詩得友子
宣宮詞諸家多誤作王叔明詩謂仁和俞友仁
見此詩歎賞曰唐人得意句也遂以其妹妻之
考凌彥艸柘軒集有悼王叔明室張氏詩云結
髮為夫婦齊若若上賓山同黃鶴隱書逼彩鸞
真蘭樹人皆羨蘋蘩爾獨親情傷坦腹者臨穴
重沾巾則叔明娶於張非
俞也故定以為子宣作

宮 詞

南風吹斷采蓮歌夜雨新添太液波水殿雲廊三十六

不知何處月明多

高廷禮云婉麗絕似王龍標李時遠云盛唐音響所謂千首不為多一

首不為少也

陳卧子云亦杜牧李益耳何遜盛唐

然景調俱佳

嚴孫友云子宣宮詞不可謂不工矣

然不若薩天錫之妙也薩詞云清夜宮車出上央紫衣小隊兩三行石欄干外銀燈過照見芙蓉葉上霜

李鐸一首

鐸字振道隴西人

詩話吳人徐達左良夫司訓建寧游于武黃寓九曲樵歌國書皆賢吟詠於前自紀其後復屬同人題句卷後題者隴西李鐸臨川劉廉浚張趙友士西甌馮回括蒼張思齊鉅鹿林熙樵川蕭子和龍伯章隴右李裕三山周同甌寧葉後建安楊恭業季原蘇梓葉銘葉勝李佑龍虎山

人梁鵠凡一十八人續題者良夫兒子徐應及
青城王璠也良夫居太湖之濱北顧市間以漁
軒以延名士集其詩文為全
蘭集共好事並於顧仲瑛云

題徐良夫九曲樵歌圖

徐君江海人雅有山林想遠游賦幽尋徘徊征鞅長
捐虹橋仙飄飄欲偕往牽舟沂岸迴著屐絳厓上萬壑
風泉淙層巖土化長采鸞載玉笙隱隱遺清響幻迹杳
難窮真源豁而敞永懷紫陽翁訢然契心賞

馮回一首

四字景淵福寧州人

武夷大王峰

亭亭大王峰，辟立何崑岵。昔聞武夷君，於茲蜕真骨。鳳
駕杳不還，虹橋忽焉沒。惟餘巖際松，年年挂秋月。

葉俊一首

俊福寧州人

武夷

武夷山下萬年宮，九曲溪頭一棹通。流水落花尋古道，

平林過雨見羣峰
幔亭人去雲連壑
華表仙歸月滿松
正好相期間丹訣
天風午夜客船東

汪德懋一首

德懋名天應以字
行休寧人環谷東
山弟子

和商山書院諸公韻

覆雨翻雲已十春
恨無詩酒對芳辰
秦彊再世終歸漢
周弱何人共戍申
邊境旋聞烽火息
南風喜見稻花新
為霖更得成豐歲
願作陶唐擊壤民

田子貞 一首

子貞寧波人

題安分軒圖

一室蕭然萬慮忘，幽棲真似斛斯莊。
春晴野澗多菰葦，秋晚山田足稻粱。
待富却慙居易拙，送窮應笑退之狂。
看君已在羲皇上，老去從教白髮長。

趙次誠 一首

次誠字學之，樂清人。有《雪溪集》。

早梅

江南冬十二月溪上梅
三兩花載取小舟香影月明獨
櫂回家

杜仲之一首

仲之溫州人

感興

吾昔搓長絲繫彼渭川竹
直鉤魚不吞何以充吾腹
此心苟無嗜藜藿亦自足
寧使不得魚吾鉤終不曲

李應期一首

應期字均饒瑞安人有箇翁集

寄吳彥升

積雨連朝過客稀
亂紅墮地綠陰肥
江南祇是歸耕好
水遠孤村燕子飛

范宗暉

二首

宗暉以字行寧波人

詩話范居詩載范海
遺珠亦徒於海者

古意 二首

積雨可沉舟，羣輕能折軸。
巧言必譎張，利口多翻覆。
苟不塞其源，涓流蔽川谷。

稂莠終亂苗，珉瑜頗相類。
君子與小人，顏面亦不異。
辨之如不早，斯為名德累。

李道生 一首

道生字本立，休寧人有清。
意味集

雨後

山中曉起喜新晴杖屨尋詩獨自行幾樹好花春盡發
滿溪流水夜來生游絲拂地應千尺啼鳥喚人時一聲
趁暖田家曝蠶種明朝節候是清明

劉逢原一首

逢原字資深會稽人

挽鐵厓先生

已矣楊夫子春秋天下名醉生唐李白節死晉淵明雲
暗九山碧水洄三泖清游魂招不返悽惻故鄉情

周 翼 二首

翼字子羽無錫人

中秋與楊氏昆季泛舟鵝津

八月十五夜何其鵝湖漾舟人未歸水生金浪兼天涌
雲度青冥倚月飛鴻雁沙寒微有影芰荷秋冷不成衣
故人一去渺何許黃鶴舊磯今是非

雁來紅

翔雁南來塞草秋未霜紅葉已先抽綠珠宴罷歸金谷

七尺珊瑚夜不收

王中五首

中字懋建

黃俞邵云洪武辛亥進士有沁水王中甲戌有同安王中未知即其人否

要不敢以臆定也

中秋迷懷二首

潦倒羈棲客傷心兩鬢華塗窮惟有淚世亂更無家
暗雨聞寒雁悲風急暮笳艱難今一概何處問生涯

天下兵長鬪山中客未歸塞鴻南度早星使北來稀
草

草年光換悠悠世態非自憐同社燕幾處倚人飛

黃家洲客舍留別

數載俱流落相逢鬢已秋生涯同寂寞書劒祇淹留沙
澗隨天盡江平帶日流別離殊不愜回首思悠悠

田家雜興

煙火中林靜秋風歲律賒清霜催橘柚落日照蒹葭石
徑通流水山橋卧古槎武陵非境外不必問桃花

泊鏡口

日暮風濤穩扁舟泊此隅雲山歸夢杳鄰舫語音殊片
月寒江永平沙旅雁孤無才合漂泊不敢恨窮塗

陳安二首

安字克盟

中秋有感

畫省曾陪冠蓋游華筵詩酒宴中秋星河不動天如水
風露無聲月滿樓皓齒纖腰催象板珠簾涼影上銀鈎
於今寂寞江城暮烏帽西風歎白頭

題高理瞻所藏小景圖

昔年為客楚江邊
雨霽江南二月天
楊柳畫橋深淺水
桃花春岸往來船
新篳白酒浮杯斝
旋買青魚出網鮮
因見畫圖驚舊夢
東風吹面鬢蕭然

錢子義一首

子義無錫人

題畫

夕陽淡淡柳絲絲
遠浦長天欲暝時
腸斷楚山春雨後

鷓鴣啼向女郎祠

梁蘭 七首

蘭字庭秀一字不移泰和人贊善潛之父有畦

樂先生集

王希範云先生養高邱園據其悠遠之思著為歌曠然有古高士之節

王達善云畦樂先生之詩出於自然默契靖節於千載之上胡若思云誦先生詩蕭散閒澹之趣悠然於篇詠之間鄒仲熙云梁君隱居樂道其詩冲澹閒雅有自得之致

西畦自適

守拙一圃間衡從五畝餘藝麻在高丘雜以果與蔬春

至百草生趁晴聊荷鉏筋力豈不勞燕穢亦已除家人
會知我慰以酒滿壺偶坐斟酌之日落西山隅歸來北
窓下我心一事無

留別楊分昭

君還既不久我行復有期憶昨君未歸日久徒勞思忽
聞車馬來僮僕走相隨入門一會面酌我金屈卮人生
最歡樂莫若新相知歡樂苦不長明當與子辭大夫且
行役敝車日驅馳吾徒本貧賤奔走何足悲但恐後來

時君將復何之

題素扇

團圓復團圓月圓尚有虧致身君懷袖無有盈虧時知
君重貞素采色亦不施物微幸相親願言常自持寒暑
固代謝用舍適其宜古來婕妤怨此意君諒知

荆湘道中

江入瀟湘近山連楚塞高兩厓如積鐵一水不容舸慣
客寧辭遠藏身豈憚勞同門多宦遠漂泊媿吾曹

寄劉珪

春日已多夏日臨
輶輶晝啼苦竹深
野棠雨餘新水綠
石壁樹杪浮雲陰
安知天地有終極
不覺歲月還相侵
我思劉郎何可見
徒使遲迴勞寸心

寄呈東原公劉子彥

北闕前年一上書
歸來高卧楚郊墟
西風短褐雙蓬鬢
落日空山一草廬
道直不殊梁太傅
賦成端擬漢相如
別來又是春三月
盡日逢人問起居

客舍秋雨

燈前細雨夜初闌枕上聞雞夢轉難壯節豈因今日改
旅懷纔向故人寬江天雨色連窓白草樹風聲入室寒
景物已殊歸計遠殘年飽飯共相看

陳 綱 一首

綱字簡文嘉興人布政約弟

題畫

五湖烟水綠生波一葉扁舟鼓枻歌愁殺故園戎馬後

千章喬木已無多

陳 緝 三首

緝字熙文綱弟

沈客子云四陳之中熙文詩秀藉可誦直逼晚唐

和大兄八月十四夜月

桂老金為粟蟾孤玉作團明朝應更好此夜不勝寒弟
妹他鄉共闌山幾處看南飛有烏鵲未得一枝安

春日

湖頭誰復載吳娃鷗鳥多情戀白沙
涪萬春深無杜宇

武陵何處有桃花
雨餘石燕晴歸穴
市近山螽午報衙
看到前朝丞相墓
野人翻土種桑麻

竹枝

贈君曾出雙南金
別君曾彈紫綺琴
斷金還比阿儂意
斷絃持比阿郎心

鄭澗一首

澗字仲養浦江人

詩話浦陽義門有三其一黃氏自度至逢吉其一王氏自茂至子覺皆止數世而已惟麟溪鄭

氏族大且久先世自滎陽徙歙再徙睦州其居
麟溪自淮始淮之孫綺乾道中賜號冲素處士
朝請郎新淦晏穆志其墓是為義門第一世綺
之子開開之子運運之子政政之子德璋德璋
之子文融文融嗣子欽仲養蓋欽之叔子也凡
歷五十三世一千六百六十餘年逮元季明初
門才益盛曰深曰濂曰源曰濤曰泳曰渙曰淵
曰澁曰濟曰消曰渭曰湜曰沂出處不齊先後
以才行著一門羣從又有棟挺扶枋材餘彬彬
模柯相棠棧柏拭木皆為士林所重於是公卿
大夫先後詩文貽贈者編為麟溪集二十二卷
洵盛事矣嗟乎江湖日下棧砌德色箕帚踞罵
其不為秦人之續者幾希
錄義門子姓詩為之三歎

海棠仕女圖

東風蕩漾百花潭
翠袖迎風酒半酣
好鳥隔窓催曉色
美人殘夢到江南

金敬德一首

敬德樂清人

鄭宜州蘆花淺水亭

新築茅亭也自幽
闌干曲曲面滄洲
一簾花氣都成雪
片石潮痕祇沒鷗
客醉有時迷夜泊
月明無處覓漁舟
老夫亦有滄浪趣
便欲移家住上頭

吳子莊一首

子莊溫州平陽人

小景

杖藜日日看芝山
山下浮雲共往還
昨夜小溪新水漲
釣船流到寺前灣

黎昶一首

昶字伯輝清江人

同安謠

黃雲漲空雪欲飄
長江落日生暮潮
同安城頭獨延佇
悲風拂鬢寒蕭蕭
布蓬老翁年七十
鶴髮鷖衣道傍立
倚筇為我說興亡
含憤未言先涕泣
前朝值亂戍守奔
土豪割據何紛紛
攻城拜將爭殺戮
同安賴有余將軍
將軍秉心盡忠義
訓練民兵久精銳
城邊掘濠深百丈
城上嚴更列旗幟
朝廷消息久莫通
江襄羣盜矜豪雄
樓船萬甲氣如虎
戎衣染遍秋江紅
將軍此時力匡國
執銳開關屢迎敵
鐵騎交馳白日昏
雕戈上指青天折

樅陽門前殺氣高，奮身寧辭征戰勞。
江淮黎庶半為鬼，僵死卧骨填空濠。
同安拒守經七歲，破圍不見官軍至。
銅柱難成馬援功，睢陽不屈張巡志。
一朝羣盜登城闌，揚旗百里飛紅塵。
疲兵裹創不能戰，計窮豈願圖全身。
將軍挺身出帥幕，竟逐飛星陣前落。
半夜精靈出戰營，千秋廟食依江郭。
聖人一出寰宇寧，鳳麟應瑞黃河清。
當年逃亡命如蟻，豈期年老逢昇平。
荊棘連雲戰爭地，近來茅屋方成市。
山鳥如呼耆舊名，江流尚帶英雄淚。

當年繁華何足論
聞翁此語傷吟魂
樓臺盡隨灰燼滅
人物風流今幸存
尊前感慨應未已
宦情總付東流水
長歌因賦同安謠
留與他年入詩史

梁闕一首

闕字用行會稽人

哀余左丞

世人孰不死
死義心所安
苟非明至理
捐軀誠獨難
偉哉青陽公
忠義為膽肝
伊昔奉朝命
宣慰淮西藩
遭世

方板蕩荆襄肆兇殘公時在安慶寧忍視民患率衆力
拒敵奮怒髮衝冠抗節守孤城援絕糧饋殫勢迫不獲
已慷慨就清澗妻孥亦同逝恥受污辱干我昨聞其風
慨然發長歎丈夫有如此何媿天地間遠繼張許流千
載名不刊

王珙一首

珙字廷珪常熟人明初處士有竹居詩集

王汝嘉云

竹居道者詩無雕琢浮靡之習有渾厚淳雅之
氣張宗海云處士治生富贍構幽居於深竹

之中詠歌其情思詩皆和平之語治世之音
徐以菰云先生詩富麗清奇如秋月春雲起人
景仰 李世賢云王君卜宅於虞山北之蕭溪
植竹萬竿容與其中興之所寄輒形吟咏其詩
和平典雅質不近
於俚澹不流於枯

詩話竹居治生之餘不廢吟
詠華坊武一流也詩嫌太熟

溪橋晚步

日日陰雲思寂寥
偶因新霽過溪橋
不知門巷春多少
柳外一聲婆餅焦

陳川一首

川天台人

題夏圭溪山清遠圖

我家東南邱壑好曲折雲林護危杪澗沙流水春自香
石楠碎葉秋如埽縛柴野橋松雨涼鳴鐘破寺茶烟杳
山椒茅亭如笠大石脚漁舟似瓢小人家制度太古前
雞犬比鄰往還少酒杯吹香小店門落日漁樵多醉倒
六年不歸長夢見白髮忘情負魚鳥晴牕見畫三摩挲
舊夢微茫今了了不知何處得此圖覺我山居殊草草

安得溪南寫石田便攜妻子從茲老

陳汝楫一首

汝楫字濟明蒲圻人洪武初舉明經授徽州府
通判轉秦州茶馬司謫知渭南縣遷廣平知府

桃花泉

桃花流水合荆溪夜雨春波拍斷隄
偶爾今朝出門望
平疇雉雉麥初齊

李弘一首

弘字德庸蒲圻人洪武十九年授本縣訓導遷
國子助教

西良湖

蕩舟歸去月黃昏湖上人家半掩門
漁笛數聲何處起
冷香一樹玉梅根

王叔舟一首

叔舟浮梁人洪武中以獻雪詩授徽州同知

三月三日雪應制

柳絮飛還早
梅花落太遲
天顏多喜色
瑞氣滿瑤池

明詩綜卷十六

欽定四庫全書薈要卷二萬四百九十

集部

明詩綜卷十七

翰林院檢討朱彝尊編

鄭 挺 二首

挺字叔高浦江人元宣政院使渭之子

擬古

秦箏一何哀中有淒涼音累累孤臣操咽咽發婦吟晨
霜為之寒浮雲為之陰聽罷復三歎不覺淚沾襟披衣

步庭皋嘉樹鳴曙禽嗒然吾喪我情與海水深
孤齋悄無人絳燭夜吐芒羽蟲忽飛來投火欲自戕知
為明所誤曷不務韜光子房願封留淮陰喻弓藏法戒
既昭然昧者何茫茫高山有白石行當煮為糧

鄭秋一首

秋字叔韓挺之弟宋學士女壻也有學古齋集
懷宋學士

亦知離別遠喪亂近何如流水天涯路征鴻塞外書
縣

緜飛雪晚點點落梅初日月重回首那堪已歲除

鄭幹一首

幹字叔恭亦挺之弟從宋學士游永樂初以薦授監察御史

詩話叔恭宣撫廣東民以取珠為苦至即奏罷永樂十二年年已七十有二矣值長陵掃平沙漠因進五言詩帝歎曰可謂滿朝詩伯第一叔恭因告歸帝子敕書許致仕賜宴於禮部界以金繡衣問誰可代者叔恭舉從子楷御筆即除御史義門謂為盛事

寄宋仲珩

鶯斯桑下飛青鳥海上游如何不同調羽翼有短脩故人昔相見時時話綢繆出入念同車無衣念同裘一朝參商如豈不懷百憂初盟儻不渝在遠情愈周但願似風昔鳥用苦相求

鄭 桐一首

桐字叔成幹弟洪武中以薦授滁州判官

春思

梨雲澹澹霧濛濛人在青樓第幾重鸞鏡未開簾未捲

羅衣先怯五更風

高伯恂一首

爵里未詳詩見光岳英華

寄梁紹輝

花時醉裏息息別回首西風錦樹秋
明月相思隔江浦
素書不見到林丘
松陰塵榻晴還拂
池畔清樽晚更留
山水閒情宜共賞
碧雲涼雁思悠悠

梁紹輝

未詳詩見文翰類選

登小孤山亭子

飛亭結構半山隅
雲影天光入畫圖
清漲九江吞漢沔
高標孤柱限荆吳
風來舟楫歆危疾
雲暗魚龍變化殊
獨倚畫闌吟不盡
白雲飛處寸心孤

張迪一首

迪字文海華亭人

宋徽宗畫半開梅

上皇朝罷酒初酣
寫出梅花藥半含
惆悵汴宮春去後
一枝流落到江南

章閣一首

未詳詩見皇明風雅

送張二貢士

煙靄散春晴
亂鴉深樹鳴
千山懸落日
一騎出孤城
急管催離宴
飛花惱客情
殷勤懷上策
謁帝向承明

王超一首

未詳詩見荆溪外紀

張緒歸舟

落日半帆收
張溪古渡頭
花明汀樹雪
香冷渚蓮秋
碧浪搖檣影
青山枕柁樓
曾知風景好
記此一停舟

黎充輝一首

充輝字睿之臨江人

府志云充輝名慎

山雲辭將歸作

清江兮淙淙
上有山兮穹窿
白雲兮谷口
一碧兮千峰

晦靄兮絕壁挂偃蹇兮長松朝迎兮秋陽暮卷兮秋風
山之人兮雲從被薜荔兮褰芙蓉來乘雲兮朝九重跨
一鶴兮江東點汀花兮白蘋雨霜葉兮丹楓忽雲歸兮
人遠山蒼蒼兮倚晴空

丘輔仁一首

輔仁字友文歸安人

詩話友文少有至行不樂華靡母衣之以綠帛
赧顏不服長博通經史恥為章句之學潘元明
據湖州使人召之亡去洪武初
始歸里業農終其身詩集失傳

南湖

南湖二月水如天
羅綺東風醉少年
十里好山多看盡
琵琶催撥夕陽船

謝林 三首

林字璫樹武進人
應芳子有雪樵集
煮雪窩豪

詩話璫樹名林本係一人
列朝詩集複出誤也

穎城鳳凰臺

鳳凰臺臺何高野
雲黃葉風蕭騷
不聞孤鳳鳴但見鳥

雀樓蓬蒿梧桐摧折傾舊巢鳳兮何處翔赤霄無由再
覩兮使我心勞

梳洗臺

雲為裳月為璫鄭姬不見臺已荒千年臺下土花碧猶
帶洗時脂粉香今古繁華易衰歇溱洧水流聲嗚咽曾
識宮中歌舞人只有臺前舊明月

青城虞勝伯顏丘氏小軒曰看帆為賦律詩因以
寄予次韻錄奉彥章

風帆已逐歸雲盡江水何如客意長
荏苒歲華駒過隙飄揚生理雁隨陽
從知白髮非春事醉看青山即故鄉
獨笑夢中忘未得落花風起動回檣

張端義一首

未詳詩見鐵網珊瑚

送張吳縣之官嘉定分賦得錦帆涇

風吹闔閭城花落錦帆涇錦帆去不返
春流日夜生故人在何處恨滿城邊路
月明烏夜啼霜冷丹楓樹涇水

抱城流直通東海頭布颿挂落日相送練川游

徐文舉一首

文舉武進人

賦得百花洲

春花迷繡幄春水漾金鳧
照影和明月流香過石湖
錦帆應不見沙鳥自相呼
感舊復傷別愁傾雙玉壺

詩話金壇張德常起家吳縣丞歷縣尹遷嘉定州同
知其行也諸名士分賦吳中舊蹟送之廣陵成廷珪
得龍門廡山陳汝秩得采香遲宛邱陳秀民得靈巖
吳郡鄭元得越公井錢唐范致大得石湖江陰張端

得林屋館青邱劉垓得虎邱太原王逢得劔池劉邱鼎
鏞得天平山四明陳朴得白雲泉會稽張憲得吳王
井四明陳樞得太湖石勾吳周砥得洞庭山晉陵張
體得琴臺巴西邨德基得玩花池清河張端義得錦
帆涇崑山虞熊得館娃宮吳郡王行得放鶴亭渤海
高啓得響像廊高郵樊宜得梧桐園吳郡黃本得白
公檣延陵徐文舉得百花洲江陰張瑄得采蓮涇海
昌董翔鳳得辟疆園無錫顧常得天椒山而遜昌鄭
元祐亦賦采香逕且為之序卷中賦繼鄉亭者
脫去姓名吳人朱存理編鐵網珊瑚具載其詩

余詮一首

詮豐城人

海水操

陳母莊傷其夫溺死於海作

海水蕩滴兮茫無津涯夫君一去兮杳無還期為死為
生兮曾莫我知欲往從之兮襁褓有兒同室同穴兮我
志獨違恨深海水兮曷其已而

劉 塤 一首

塤字公坦江陰人

題東章孟山水

廬江公子稱三絕詩妙書精畫亦工落筆多宗董北苑

高情不減米南宮天低碧樹春雲合潮滿滄洲暮雨空
却憶買船同載酒城樓山館醉東風

茹湜一首

湜字季清無錫人有瓜膚集

楊白花

楊白花身輕不由已一夕長風生飄飄度江水江南處
處好繁華悠揚落地知誰家知誰家不復歸永巷春深
人迹稀悲歌連臂空腸斷回首長秋鴉亂飛

馬 麇

麇字公振崑山人有醉漁草堂二集

和楊廉夫新居韻

楊子樓居飲馬河書舟日日橫晴波未論栗里功名薄
總為夔州詩句多遠樹入簾秋若薺亂雲渡水白於鵝
何當共把凌風袂醉和仙人鐵笛歌

蕭 岐

一首

岐字尚仁泰和人明初以賢良徵為潭府左長

史固辭謫楚雄儒學教授改平涼學訓導有正
固先生集

入閩

自入閩中道偏諳物外情
田從山下種船向石稜行
海味空多族榕根盡倒生
連城公館好驛使遠相迎

顧協五首

協字允迪無錫人貢監生有鳴志集

詩話允迪以諸生貢入咸均詩有脫却朝衣換
布衣之句則亦通朝籍者詩頗清穩五言如亂

峰烟外紫殘日
樹頭黃佳句也

待鶴

白鶴去何之想在蓬萊頂月下漫沉吟
衣沾露華冷夜久不歸來立盡青松影

次錢助教見寄韻

窮巷誰相問蕭條獨掩扉雨中花旋落
江上燕初歸計拙身從嬾才疎事轉違
思君長入夢莫怪往來稀

送張翰臣幕掾還廣西

曾持刀筆贊元戎不數區區野戰功青鬢消磨千嶂外
舊交零落十年中雪晴官路梅花白雨熟蠻鄉荔子紅
三十六原何處是馬蹄輕踏綠楊風

舟中次韻

西風吹老白蘋花獨倚歸舟感物華漠漠秋雲暗山谷
不知何處是吾家

孟夏書事

脫却朝衣換布衣始知今是昨來非綠陰庭戶無人到

惟有一雙新燕飛

陳鈞 一首

鈞字衡臣羅源人洪武中以人才薦官建德縣

丞有退軒集

徐器之云衡臣詩體
法聲調一軌於正

題金山壁間畫

空翠忽入戶飛來何處峰人家多傍樹僧寺不聞鐘
流水衝橋急間雲出岫慵何當撫琴坐願學卧遊宗

鄔修 一首

修字存誠南昌人洪武丁丑進士歷官太平知

府

中秋分韻

秋月已成規秋闈猶列戟妙契結金蘭今夕是何夕時

序有代謝情懷增感激對酒發新吟此樂良難極

劉欽謨云

沖澹
和平

詩話革除四載文獻無徵成化初吳人劉昌提督
河南學政得建文元年湖廣鄉試棘闈倡和詩集
中作者豫章胡儼若思鄒修存誠廬陵謝矩子方
陳孔邱閻鄒陽洪初善初閩張勉學思哲江陵熊

劉伯機蜀州郫人。璵孟溫。聶潮貴。廷輔。會稽陳安。惟康。馬文炯。閩人。三衛張起師。震何遠。思道清江表士。誨文政。郕王景應星。萬州冉通。穎達。桂林唐昉。景升。維揚李輅。文載。柳州莫忠彥。良容山周迪。遵道。廣饒袁本。子中。凡二十一人。昌鏤板以傳。且序之曰。是科所取第一人。賓太師石首楊文定公。而胡公評其文。謂能為董子之正言。不效公孫之曲學。愚按。福建是科。領解則建安楊文敏公。明年文定文敏俱成進士。而胡文穆廣金文靖幼孜。胡忠安淡頤端肅佐。皆建文庚辰榜釋褐者。

卞同一首

同字孟符吳人

倪雲林畫

雲開見山高木落知風勁亭下不逢人斜陽澹秋影

梁案一首

案字弘宇南海人

寄董宗輔

東江去悠悠送子孤行舟舟行復幾時江鄉生遠愁海
水無定影萍蹤忽飄浮雖非千里別出門成久游采采
芙蓉花欲寄無輕郵念昔攜好手中情鬱綢繆商歌寄
逸響素琴鳴芳洲如何曠高躅杳若隔山丘馳情託絃

素日暮風颭颭無由慰離索一鴈橫高秋

沈客子云取
材占人以離

合見

王敬中一首

敬中字敬中鄞縣人洪武辛亥進士刑部主事

題丹丘

四甯山色秀可攬雲根石屋高嶙峋林間遺鳥曾化虎
洞口獼猴渾似人奔流直下幾千尺高蹈今逾四十春
靈光夜夜照丹室應有飛仙來往頻

陶琛二首

琛字彥珩吳縣人

過徐良夫耕漁軒次倪元鎮韻

西山久思往經春復逾秋迴看岸倚樹尚繫煙中舟日
月候飛騰不異川波流至今遠游興浩然殊未休東風
江上來沄沄水生洲便欲引雙屨飛行紫巖頭如何苦
蹉跎徒睇雲路脩谷鳥在林杪鳴聲亦相求今君展清
讌胡不邀同遊開館集羣彥翩翩文采優相逢尚難得

况茲旬日留懽然對樽俎情意兩綢繆嗟彼丘壑賞豈
顧茅茨幽愁來發清詠獨倚城南樓

詩話吳中徐達左良夫耕漁軒名士留題甚衆朱
德潤澤民為作圖仇機沙大用作傳高遜志士敏
作紀唐肅處敬作銘王行止仲作序楊基孟載作
說釋道衍作後序因編為金蘭集其十二世孫大
業受業於予出先代所遺詩箋百餘幅正草篆隸
靡所不有如東筍然皆元季明初諸公手蹟也未
幾以訟破家悲為有力者所得過眼雲烟不
復可覩矣惜哉自陶琛以下三人均集中詩

題江參長江圖

石出夜潮落山明寒霧消江空千里櫂村迴一歸樵樹

色連沙嶼人家傍野橋還同舊樓地風景日蕭蕭

余震 三首

震字以聲

九月廿一日偕范孟學李德輿訪徐良夫耕漁軒
是夕乘月過溪寺登擁翠方丈分韻得下字

商飈發清秋孤月耿深夜立賞悟真情況茲幽林下蕭
蕭殘葉飄瀏瀏飛湍瀉驚鵲鳴高枝流螢遶空榭芳絃
既已歇佳詠豈云罷復與道人期逍遙宿精舍

月下聞琴別邵先生包秀才

孤光澹燈室微煙繞香几誰彈膝上琴夜半離聲起
瑟度涼風泠泠寫秋水流音松竹外却憶空山裏

過邵弘道先生墓次韻

孤墳四尺鳳岡前此日重來又一年新土有痕分草色
舊蹊無跡長苔錢殘花自落山中雨遠樹空迷嶺外煙
回首令人多感慨賦詩揮淚寫長箋

董遠一首

遠字仁仲

城頭烏示良夫

城頭擊柝邊月低啼烏繞樹寒不棲
天邊明星白如日空階落葉風淒淒
房帷靜悄夜何永青燈無眠照孤影
蠨蛸在戶人未還關河十月衣裳單

謝常三首

常字彥銘吳江人洪武中舉秀才召試丹鳳朝
陽賦稱旨帝欲官之辭歸隱震澤東溪有桂軒

橐東溪集

詩話彥銘楊廉夫弟子詩尚纖麗縣志稱洪武末舉秀才帝欲官之辭疾不拜考集中詩事在洪武十五年八月其詩云歸養慈親荷聖恩喜傳天語出金門河陽敢問花誰種彭澤應知菊尚存則以養親辭非以疾辭而所辭之官似屬縣令也又寄靈谷定巖長老詩序云不肖衰朽目昏髻毛皆雪幸有老母百又六歲荷蒙恩渥勅許終養足為明證矣集又有永樂元年八月陪祀縣庠丁祭及鄉飲分題之作句云喜當時盛陪清列或者曾攝邑校邪

竹枝詞送別

闔閭城邊楊柳黃吳姬如花明月璫送郎不勸銀鉶酒

持贈雲鬟金鳳凰

和靖觀梅圖

孤山歲晚水迢迢
竹外橫斜挂綠么
吟到暗香疎影句
黃昏月上雪初消

攜琴訪友圖

秋林紅葉晚蕭蕭
乘興攜琴過野橋
人在翠微尋不見
白雲如練束山腰

吳中

中字宗本自號青霞處士有林霏集

白鶴山

吳興多名山茲峰特奇秀不知自開闢陰陽幾昏晝云
有未髭僧冥棲刻蓮漏香臺儼有在祥室已新構松下
伏神龜竹間走饑鼯白鶴不受招仙蹤亮難究伊昔屢
登臨空翠濕衣袖窮按不知疲幽討寧嫌逗巖扉與澗
戶一一為重叩和詩寄山靈餘生敢多又

劉子建

字里未詳

浦城慢興

清溪何似百花潭谷口雲峰半夕嵐借問子真歸隱未
鷓鴣春雨滿江南

謝恭一首

恭字元功長洲人徽弟有蕙庭集

過張水部樂圃林館和高李迪韻

故人非傲吏舊隱勝愚溪塵世人難到空林鳥自啼青

山懸榻下綠樹斷厓西終日無餘事長吟信杖藜

潘子安

子安和州人有海天清嘯集

詩話子安詩見湖海考英詩集其字未詳吾鄉
郁氏書畫跋載有潘伯濟題畫詩云云全篇清
婉繹其名字疑是一人然
未敢臆決附錄之俟再考

九日王時融招飲

喜見長鉶破曉封忽移春暈上哀容故人已覺樽前少
佳節偏於客裡逢千里暮愁連蟋蟀無邊秋色醉芙蓉

而翁此際登高處應在三山第一峰

題畫

岷峩雪消春水急
瀟湘雨餘雲樹濕
迢迢翠嶼孤鶴迴
湛湛珠宮老蛟泣
征帆數點風濤中
出沒不計天西東
鄉關杳渺在何處
矯首遙送雙飛鴻

陳士楚

一首

士楚揚州興化人

書錫山驛

鳴鳴畫角冷涵秋一曲梅花動暮愁不管江南斷腸客
夜深吹上月明樓

沈應

三首

應字德虔吳縣人

元夕

燈月滿春城金吾縱夜行誰家無畫鼓何處不銀箏願
以昇平樂懽歌答聖明

次錢文伯題雲林詩韻

紅葉橋邊草舍低半灘斜照水平溪舊時曾記題詩過
疎雨桐花一鳥啼

看山

老年已免綴朝班林下於今許我閑流水小橋紅葉逕
杖藜隨意看青山

史謹一首

謹字公謹崑山人

過七星閣

萬里投南徼層闌度七星嶺雲和瘴黑木葉向冬青路
遠家難問愁多酒易醒相逢但樵牧何以慰飄零

朱武

一首

武字仲桓紹興山陰人

張子正春雨鳴鳩圖

東風簾卷小紅樓三月梨花喚錦鳩曾記玉人將鳳管
隔花抵按小梁州

吳倫

二首

倫字文伯吳人

苕溪春曉圖

夜聽溪上雨曉看溪上山雨歇山更佳尚在空濛間白
雲掩疎鐘綠樹迷遠島居人想未起村村自啼鳥

賦得秋江送別

秋陰日易夕江空歲云晏惻惻傷物情悽悽屬昏旦聳
秀林際峰流響雲中雁煙蕪銷遠綠霜楓炫餘榮時芳
遞衰榮人事更聚散方敦金蘭契遽念蟪蛄歎風駕嚴

霜寒晨起明星爛揚船子夷猶伏枕我羈絆那知惜睽
離矧復值憂患愁吟不成章一辭媿能贊

徐基一首

基字立本臨海人

寧海道中

中歲事行役勞生卒未休大星垂野白遠水際天流土
俗魚鹽富民居橘柚稠何年謝塵鞅歸卧此林丘

陳文東一首

文東字同闕松江華亭人

宿陝州橫渠鋪

獨客卧車上羣僕卧車下車前或明火時時照牛馬

朱希晦三首

希晦樂清人有雲松巢集

詩話處士元季與吳主一趙彥銘隱居雁山時
稱雁山三老明初不仕有薦於朝者朝命未至
而卒集為七世孫立諫刊行其夏日書懷云白
髮生涯人已先綠陰時節雨偏多寄友云烟色
春歸楊柳底雨香紅入杏花初傷時云城邊向
晚黃孤立海外何年白雉來自歎云家貧猶具

千金帝國難曾無一箭書訪僧云松陰夜
靜鶴初警花院日長僧未還皆佳句也

客邸中秋對月

去年中秋秋月圓浩歌對酒清無眠煙霏滅盡人境寂
仰看明鏡懸中天今年客裡中秋月靜裏金波更清絕
可憐有月客無酒不照歡娛照離別夜闌淅淅西風涼
月中老桂吹天香悠然長嘯動歸興坐久零露沾衣裳
浮世悲歡何足數庾樓赤壁俱塵土風流已往明月來
山色江聲自今古

納涼

無事解衣坐超然心境空
深林翳炎日萬壑來天風
閒停白羽扇拭拂朱絲桐
醉罷不知夕月生滄海東

寄友

雨過溪頭鳥篆沙溪山深處野人家
門前桃李都飛盡人見春風到棟花

甘復 二首

復字克敬餘千人有山窓遺橐

曉出西園由谷中歸

披褐陟西園，煩襟散清曉。
微風動高樹，零露下芳沼。
始行幽谷中，忽出青林杪。
流水漂餘花，脩筠度啼鳥。
身緣翠石迴，思逐白雲杳。
負杖孤賞懷，春闌綠陰悄。

送別

涼颼應秋氣，草木歛華英。
客游總念歸，子有千里行。
忽儔侶催悄悄，離思盈丈夫。
懷志氣，孰不戀榮名。
華薦起當路，使者促前征。
追餞東門道，把酒哀絃鳴。
蕭條野

驛暮泛濫江波清密謀植帷幄慰彼蒼生情古來盛名
士多是起釣耕

鄭洪二首

洪字君舉永嘉人有集

詩話鄭君舉詩一卷曹侍郎古林藏本侍郎題
是永嘉人而鮮于伯幾書趙子固水仙卷稱元
貞二年正月同餘杭城元臣三衢鄭君舉觀於
國學齋初歎君舉乃三衢人然考周玄初來鶴
詩有永嘉鄭洪君舉之作見鶴林類集則君舉
為永嘉人無疑來鶴事一在至正十七年一在
十八年一在洪武十四年一
在十五年一在二十七年

吳山白塔寺

江山襟帶尚依然王氣銷沉已百年
八葉龍孫東渡海六宮虎士北歸燕
銅駝荆棘荒山裏石馬莓苔落照邊
玉匣游魂飛劫火五陵無樹不啼鵑

寄毛府判

南湖水長沒蒹葭西浦橫橋對白沙
鴻雁來時菰有米鳳凰飛處竹無花
石田賦寫張平子雲閣書通蔡少霞
零落江陵千樹橘青門猶戀故侯瓜

朱友諒一首

友諒常熟人詩見鶴林類集

周尊師禱雨歌

道人鞭龍出潭底黑雲一片山頭起
仰看紅日不見光
黑龍頭搖白龍尾有時登壇步七星
一呼一吸成雷霆
白波翻空海水立銀河落地天瓢傾
去年京師禱雨雨
輒至大田小田總霑霈
定知夜半拜封事自有精誠感
天地王公貴人知其賢
屈師闕教來琴川
今年旱魃又

為虐禾稼半死民熬煎縣官投詞庶人跪道人受命應
且喜笑書鐵牌役海鬼疾驅一百五十里甘泉龍居萬
丈深神符召集如飛矢今朝兩腳來自南半是吳江四
橋水頂山有龍名太白口喚湖水成甘澤道人驅龍喝
龍出五雷使者問不得龍兮龍兮一喚日失色金蛇掣
電光千尺再喚山氣黑飄風盤旋走沙礫上天有寶不
愛惜噴下驪珠千萬石兩龍行雨勢未休須臾潦水平
田疇疲農入城報沾足道人一笑山雲收

詩話尊師世居嘉禾從紫虛觀李拱瑞爲道士李
南谷杜真人高弟也周伯溫紀畧云先生受法於
顧養浩步雲岡雲岡受之張雷所雷所受之王繼華
繼華受之莫月昂宋景濂傳畧云雲川有莫洞一
授其徒王繼華繼華授張善淵善淵授步宗浩宗
浩以授尊師禱雨事一在洪武元年一在二年永
嘉鄭思先序之思先詩云道人綠髮雙青瞳自言
前身河上公欵騎黃鶴辭帝宮歸來塵世發羣蒙
海虞福地秀所鍾七星老檜摩蒼穹道人重來御
冷風層巒作靈歲式逢季夏旱熯何熾熾縣令延
師師說從飛書上奏徹九重鐵券怒起神淵龍左
驅飛廉右豐霑天地俄傾驚晦暎甘霖注地疾若
春千村萬落沾渥同頓回枯槁蘇疲瘵旋斡造化
非常功道人拂袖喜滿容笑指霽日扶桑東其篇
法頗與友諒相近然不若朱之朗朗也
思先官至福建布政而温州府志失載

葉谷亮一首

字里未詳詩見沈與明詩選

邗溝懷古

丞相三軍出曾聞此散亡黃蘆今夜月白骨舊時霜
世已尊王室人猶說戰場維舟重感慨涕淚在衣裳

胡溫一首

溫字遵道會稽人

詩話溫異人也少落魄湖海間後入閩性好飲
不常得人方置酒不問主客徑造飲酒盡不謝

而去日出行市中羣小兒逐之呼曰風子溫顧
而自笑夜宿古祠下雖寒冬雪甚衣布單衣履
草履身不顫慄人或遺以衣行不數步遇寒者
輒解子之駢馬卻尉王恭守閩孝陵賜以織金
袈衣令具酒賀溫突入曰某亦賀公持酒覆其
衣恭不為忤溫亦自若漳帥徐玉好士溫特過
其家玉召飲同官俄而溫至歌詩起舞至慢罵
生宏玉亦不厭也過元漳州守德呼移菴祠酌
之水然以文曰衆之生不如侯之死侯之死名
長在此萬歲千秋元之臣子拜已大笑而出著
書名曰竹帛流芳載元忠臣義士并貞烈女飲
其本末係之以辭類統歌輕重皆有深意一日
告徐玉曰吾將歸矣負索行三舍為關卒阻而
回發橐中止有硯一易酒飲之起舞作喜鵲之
歌歌畢仰戶而死時洪武七年久也王莊之漳
川西門外天台林公輔為作胡風子傳其大畧

如是公輔稱其生死如在已
蓋公謙張邈過周顧仙一流

歌

閩山喜鵲少越山喜鵲多如何不歸去其奈羅網何



明詩綜卷十七

謹案卷十七第二十六頁後四行德呼穆蘇舊作
迭理迷世今改



總校官庶吉士臣張能照

校對官檢討臣龔大萬

騰錄監生臣李士勛

欽定四庫全書曾要

集部
明詩綜卷十八

詳校官編修臣王天祿



欽定四庫全書薈要卷二萬四百九十一

集部

明詩綜卷十八

翰林院檢討朱彝尊編

方孝孺 十三首

孝孺字希直一字希古臨海人建文中文學博士靖難兵至首以身殉沒後嚴禁文字門人王稔藏之傳有遜志齋集

徐子元云希直文章大家詩亦豪壯非所長也

李時遠云正學詩渾

朴淳正大率如其人

明詩綜

靜志居詩話正學先生文昌明博大開閱自如
雖有小韓之名實與大蘇相埒潛溪學士贈詩
云方生來海上玉立而吞溫同泰太倉粟共勘
典與墳濟蒼扣無始溟滓窮無垠宇宙所管攝
載籍所製陳終始鉤鉅之若大蔡建鈞律呂按
高下宮商肅肅君臣黃鐘歷元谷虛峰滅鬼燐以
益藉古力可敵戡定歟滿毫寫雄顓勢足移岷
岷涵泄渾沌竅出入造化神畫拙神奇秘不壅
臭腐塵所以自出之愈見光景新振古著作家
後先各續紛豈知萬牛毛難媲一角麟葉茂仲
亦昭詩云雄文細字塞巨帙雅詞宏論闢心局
其險過雲漢其幽通窈冥照如戈甲猶晉庫奇
如盤鼎錫商銘麗如勾芒青春布花巾壯如豐
隆白日驅雷電千流萬派怒奔放終然帖帖起
東瀕特以用世不啻如養生之救衆濟疾之藥
琴直須上進虞書使周雅於以作春秋之羽翼

為禮樂之藩屏其傾倒也至矣說者謂先生詩
非所長然五言熟精選體當在潛溪華川之右
其談詩絕句云舉世皆宗李杜詩不知李杜更
宗誰能探風雅無窮意始是乾坤絕妙辭又云
前宋文章配兩周成時詩律亦無傳今人未識
此為派却笑黃河是濁流又云天應諸公著作
新力排舊習祖唐人粗豪未脫風沙氣難抵熙
豐作後塵其意蓋翻香東坡居士也予謂先生
宜配食孔子之庭當贊柯訥言聾疏請于朝
廷議以先生但能成仁不可謂道學且祇有文
集而無語錄以是抑之納言發獲罪不知語錄
乃浮屠家法耳祀典闕如不能無望於後之君
子

休日奉陪蜀府諸公宴集

居閒歎時邁閱世知才短頻為觀國遊每覺歸期緩羣
公盡耆英過從殊恨晚他鄉親故稀骨肉不在眼非資
談詠歡孰使離情展大藩仰仁哲政化崇寬簡長日自
優游茲辰况休澣牲醪出珍賜果蔬隨物產一觴偶相
酬萬慮皆可遣貴同周士肆狂笑晉人嬾語樂天趣深
心清市塵遠新秋欣已至毒暑行將斷靈雨席上來微
涼座中滿明時古難遇良會世所罕各勉存令猷垂聲
繼伊管

閑居感懷

二首

竊竊衆所憂不踰衣食間孰知溫飽外可憂非一端賤
憂道難行貴憂名不完誰能斷棄此自樂如孔顏

我非今世人空懷今世憂所憂諒無他慨想禹九州商
君以為秦周公以為周哀哉萬年後誰為斯民謀
士無及物智每喜華其廬我居豈不敞於道亦有餘明
取容吾身與取藏吾書奚須歎其陋不見阿房初

次王仲縉感懷韻

翠鳥質微細乃以羽自戕犀象獸之雄每因齒角亡物
生無巨小適用反相傷犬羊死柔弱虎豹死暴強彭聃
死於壽夭者死於殤萬生誰長存所貴德譽光古來志
節士立身有大方孰云蕭艾藂果勝蘭蕙芳

上已約友登南樓

生意忽滿眼不知春淺深良朋曠嘉會濁酒難孤斟迢
迢城上樓高朗宜遠臨曷不一舉趾縱望淵與岑逍遙
羣動表舒豁萬古心古人已寂寞繼者應在今蘊真有

至樂外慕非所欽願言領衆妙無為鬱沖襟

感橙樹有作

有序

秋林道傍有橙樹處荆棘中不知幾何年曾增
置驛舍芟夷堂基斧斤幾及過識者知其為果
實之美也獲免築室既成正值窓牖間結實纍
纍然可愛過而見焉感而為之賦詩

橙生蜀山裏蕪沒荆棘場荆棘忽剪除孤根虞見傷幸
遇識者顧扶植不忍戕築室適在茲窓牖正相當花垂

素雪盛葉茂青雲張方秋氣盛肅原野飛早霜衆木不
復榮百草已罷芳纍纍枝間實爛爛半青黃摘置樽俎
間几席有餘光豈惟巴人羨南服亦罕嘗蒐糞帝王宮
異味來萬方何以解煩渴甘酪間蔗漿此物儻前陳玉
食益馨香可令積疾蠲坐見人情康惜無先容者盱彼
塗路長遇世良有會處已貴安常歲寒善自保用舍隨
行藏

歲除祭先奉懷家兄次文公先生病中呈諸友韻

日月行不息我亦少安居違家今幾何忽復五載餘微
官誤人事解令親者踈每思別時語不見空中書及茲
歲將闌感歎正躊躇祀先具薄奠撫已懷厥初觴酒豈
云乏獨酌悶難祛寧當解組去御子花間車

勉學詩

黃河西北來云是崑崙丘經行非一山回薄半九州上
有不測源下有無盡流萬化同此機不知幾春秋分明
天地心不為淺狹謀癡人用小計顛倒若無求安得申

韓氏化為古伊周

題王叔明墨竹為鄭叔度賦

吳下王蒙藝且文吳興趙公之外孫黃塵飄蕩今白髮
典型遠矣風流存華亭朱芾稱善畫每觀蒙畫必歎詫
謂言妙處逼古人世俗相傳倍增價昔年夜到南屏山
高堂素壁五月寒壁間舉目見脩竹煙雨冥漠蛟龍蟠
呼童秉燭久不寐細看醉墨王蒙字固知蒙也好天趣
畫師豈解知其意分枝綴葉人所知要外枝葉求神奇

天機貴足不貴似此事不可傳諸師麟溪鄭君好奇士
愛畫猶能賞其趣嗚呼世間作者非不多鄭君甚少可
奈何

蕨箕行

並海饑民千百數攜鉏上山斫山土蕨根已盡斫不休
力絕筋疲未言苦屋頭五日無炊烟十步九却行不前
全家性命係朝暮弱子假息阿母眠昨日斫蕨僅盈斗
今日蕨根不滿手但憑斫蕨保餘生再拜青山感恩厚

青山青山爾勿猜明朝未死攜鉏來

懿文皇太子輓詩

相宅圖方獻還宮疾遽侵鼎龜懸寶命笙鶴動哀音誰
紹三皇治徒傾四海心關中諸父老猶望翠華臨

題畫

得意支郎畫分明是米家亂雲浮雜樹遠渡卧枯槎白
屋孤舟迴丹崖一徑斜何時共漁叟洞口訪桃花

黃子澄一首

子澄初名湜以字行更字伯淵分宜人洪武乙丑賜進士第三除編修歷修撰累官太常寺卿兼翰林院學士靖難師入磔死

朱平涵云方練集已盛行惟太

常文章派減單詞片語流落人間氣味光華固不必多也

枯梅

百千年樹未全枯三五個花何太疎聞道石門春意動不知曾有暗香無

詩話太常受易於歐陽貞受書於周興學受春秋於梁寅初謁寅時寅令作枯梅詩立就甚異

之石門寅
所居也

練子寧一首

子寧名安以字行號松月居士新淦人洪武乙丑賜進士第二人授翰林院修撰陞副都御史工部侍郎建文時遷御史大夫靖難師入不屈

死有金川玉屑集

徐子元云中丞玉屑無多為世所寶

詩話革除詩文之禁甚於元豐然遜志之集金川玉屑之編久而日星不滅也是編至正德中始出其詩娟秀妍雅七言如丹梯下鴈龍蛇窺鐵鎖高懸虎豹關司馬豈無乘駟日終軍又是

入閨時放沽南石橋邊酒走送東風江上船一
水東來通海汚諸峰西上接岷峨殘碑墮淚空
秋草折戟沉沙自夕陽飲馬窟深泉脈暖射鵬
風急雪花寒天岳鉅野河流急秋盡江南木葉
疎莫怪風流謝安石未應
憔悴沈休文皆冷然可誦

三月望日與饒隱君子宏遊玉笥山謠

我懷謝康樂獨往遊名山身同雪舟繫心與浮雲閒清
風澹蕩灑六合令我興在雲松間玉山高與南斗齊雲
錦照耀廬山低三十六峰凌虹霓飛湍噴雪臨迴溪長
松挂月青猿啼上有梅仙采藥之幽棲下有蕭雲讀書

之故基洞天石扇杳莫測瑶草謾長三春蕞我欲因之
覽八荒手拂青蘿眠石牀回飈吹散碧天霧清冥倒瀉
澄湖光作為玉山謠寄之雙峰客興來攜妓秋復春笑
殺東山謝安石

黃觀二首

觀字濶伯一字尚賓貴池人初從父贅姓許洪
武戊辰賜進士第一累官禮部右侍郎建文中
改侍中掌尚寶司事奉詔募兵聞金川門師入

投李陽河死

題江貫道長江圖

離離衆樹深靄靄孤雲碧山色望難窮江流浩無極漁
歌遠渚昏鳥下平蕪夕惆悵涉風波扁舟何處客

送趙彥玘都事

石頭城下自分攜無復聯牀聽曉鷄故里音書鴻雁杳
空江雲樹暮天低春來白下孤新約夢去花間憶舊題
猶念雪深留宿夜酒醒詩就小樓西

卓敬一首

敬字維恭瑞安人洪武戊辰進士除給事中歷
戶部侍郎靖難兵渡江被執不屈死宣德中廬
陵劉球得其遺文傳之

墨竹

洞庭水落水生波斜月虛窓露氣多
虞帝不歸秋色晚
滿江烟雨泣湘娥

王叔英一首

叔英名元采以字行黃巖人洪武末為仙居教諭陞漢陽知縣建文元年召為翰林修撰靖難師逼江奉詔募兵行至廣德自經於玄妙觀有靜學齋橐

詩話先生令漢陽日遺書希直云凡人有天下之才固難能自用其才者尤難如子房之於高祖能用其才者也賈誼之於文帝不能自用其才者也天下之事固有行於古而亦可行於今者如夏時周冕之類是也亦有行於古而難行於今者如井田封建之類是也可行者行之則人之從之也易難行者行之則人之從之也難從之易則民樂其利從之難民斯受其惠矣此

君子用世貴乎得時措之宜也可稱希
直靜友白首同歸不渝霜雪古人哉

絕命詞

人生穹壤間忠孝貴克全嗟予事父母自省少過愆有
志未及竟竒疾忽見纏意者造化神有命歸九泉嘗念
夷與齊餓死首陽巔周粟豈不豐一作佳所見良獨偏高
蹤邈難繼慎勿稱希賢

周是修一首

是修名德以字行泰和人洪武中舉明經由霍

邱訓導歷周府紀善改衡府靖難兵渡江入應天府學自經死有芻蕘集

詩話紀善詩最傳者長安古意一篇李時遠云可與初唐四子相埒近陳卧子論詩甚嚴遜明三百年詩寥寥數卷是篇特見錄亡友陸麗京亦亟稱之云是神龍景雲以前風調予謂此等詩但似古人骸骨無關性情就芻蕘集中擇之不若牧童謠一首猶存張王遺韻也

牧童謠

遠牧牛朝出東溪溪上頭
溪頭草短牛不住直過水南
芳草洲脫衣渡水隨牛去
黃蘆颭颭風和雨老鴉亂啼

野羊走絕谷無人驚四顧寒藤枯木暮山蒼同伴相呼
歸又忙石稜割脚茅割耳身上無有乾衣裳却思昨日
西邊好曠坂平原盡豐草短蓑一卧午風輕長笛三吹
夕陽早

程本立 三首

本立字原道宗德人洪武丙辰以明經薦為秦
周二府引禮謫雲南馬龍他郎甸長官司吏目
建文初徵入翰林陞僉都御史靖難兵至自經

於應天府學有巽隱集

詩話建文諸臣文莫過方希直詩莫過程原道希直之文取法昌黎下亦不失為蘇子瞻原道之詩刻意杜陵下亦不失為陳簡齋也

雪佛碑

天花陰墜空平地忽三尺異哉西方神現此水精域胎
非託摩耶意叵勞刻畫乃瞻白玉相安用黃金飾一洗
熱惱心悉依清淨力紅日起扶桑終焉化無跡其無本
非空其有本非色我來鳳凰溪古寺久荆棘摩挲雪佛

碑碑斷字莫識金石亦已壞况非金石質萬事等幻影
感之三歎息

出洛陽城

輓輶上天津伊闕當我前連峰左右起奔走相後先古
來五嶽內高高極中天儀刑正四表襟帶流三川河山
固王室豈直金城堅漢業此中興周都竟東遷壯遊快
一覽遺跡悲千年顏垣舊誰築野蔓棲朝烟

題竹石小畫

玉堂仙人松雪公寫竹正似石室翁雲林道人雖後出
往往落筆生秋風吳人好書仍好畫百年遺墨千金價
比來何處得此圖松雪雲林此其亞娟娟嫩玉纔數莖
烟梢雨葉縱復橫洞庭寒骨沉水底鐵索下取蛟龍爭
却憶江南舊池館筆牀碁局何蕭散一行作吏事便廢
十年不歸夢欲斷松雪子孫今幾人雲林弟子誰逼真
得歸故鄉儻相覓竹枝挂我頭上巾

銅梁縣

銅梁縣庭公事少銅梁縣市官橋小上山下山石作街
街南街北人家好人家好農不好商婚男嫁女不出鄉
香芹煮羹飯有稻木棉紡絲衣有裳陳郎邀我青樽滿
情多已覺迴鞭嬾酒酣欲寫銅梁歌百錢買筆紫羅管
題李典儀雲東卷

母老今猶健兒行久不歸一官淹白首萬里夢斑衣越
郡東溟濶秦關西日微只將雙淚眼日日看雲飛

許州東屯雜詩

三首

農功將築圃使者正行田車過聞牛鐸詩成墮馬鞭涼
風頻末起落日樹頭圓翻憶吳淞岸菱歌處處船

死戰開邊土生還落野屯時清無盜賊頭白有兒孫春
稻霜餘粒移桑雨後根百年須飽煖此外復何言

丘園莽蕭瑟客子暮徘徊山是釣州起河從鄭邑來衣
冠餘古墓歌舞只荒臺野哭誰家婦秋聲助爾哀

過嶠旬始見禾泥蠻數家有叟攜酒過水見土酋
飲道傍僕從皆飲酒盡乃行有作

山斷村纔見溪迴路忽迷
販茶非土獠勸酒是禾泥
碧樹排雲直青秧插水齊
欲忘鄉土念多事子規啼

晚至晉寧州

落日孤城小輕煙一水斜
青山蒙氏嶮綠樹欵人家
絕塞無來鴈荒城有噪鴉
多情此州尹勸酒說京華

寄弟并示壻

聞道南塘旱吾家正可憂
不能供賦稅豈得免征求
舊宅荒苔雨先塋宿草秋
急難須努力更與阿騏謀

乳石詩

有序

象賢奉常得異石於演樂堂典寶周翁識之云
道州乳石也奉常欣然以詩見遺因賦詩答奉
常并呈長史且欲質諸典寶翁也

聞道山中乳窟多乳泉流出石為窠洞門到夜飛蝙蝠
驛路何年載橐駝野色忽看新崕嶺水痕猶認舊漩渦
豈無青髓香如飯老我黃塵奈爾何

使浙江發大梁水驛

蔡河雪消春水生使者發船將遠行得還鄉里雖慰意
却念妻子難為情草薶金谷樓前路潮打錢塘江上城
南北登臨總懷古船中有酒且須傾

高郵夜泊

城樓月色見觚稜城下官河夜欲冰返照疎林皆野燒
殘星別浦是船燈腐儒食祿曾無補倦客思家已不勝
春雨五湖烟水濶荷蓑歸去下魚罾

和貝惟學登小孤山韻

西來風浪湧金山人在鴻濛沆瀣間
大地小孤天柱石
長江第一海門關
鮫人夜泣珠成淚
龍女晴梳翠作鬟
欲問靈巫報神語
我行何日定東還

喜晴

夜雨朝晴喜欲狂
西屯騎馬過東岡
不妨逐兔爭牽狗
切莫驅狼使牧羊
野日孤營無細柳
天風十月有枯桑
歸來又飲將軍酒
一醉都令世慮忘

過趙州

青山環抱水爭流行盡雲州入趙州四野耕耘多樂歲
諸蕃斥候不防秋過橋花竹前村近入谷松蘿小寺幽
妻子誰能免相憶他鄉雖好莫淹留

嵩盟九日次井泉百戶韻

天涯九日一登樓應是黃花笑白頭脫帽不妨同醉倒
拂衣安得不歸休山盤晴谷深藏寺水縮寒溪淺露洲
上馬荒城向昏黑休教鼓角起邊愁

送魚課司使霍思誠赴京師

三年官守滯蠻荒萬里羈魂度太行居有馬羈留客坐
食無魚鮓寄親嘗晴天梅樹常含霧臘月山花不受霜
辭滿得歸人共樂將詩送別意茫茫

送人致仕歸越

老臣殊荷聖恩寬詔許還家授散官賜杖未攜鳩玉小
誥綾新織朵雲團西窓夜雨銷紅蠟東閣晴山擁畫欄
子去我畱寧不媿鑑湖他日請黃冠

溱陽二月罌粟花盛開皆千葉紅者紫者白者微紅者半

紅者傅粉而紅者白膚而絳脣者丹衣而素純者殷如染
茜者一種具數色絕類麗春譜之所云

鄮闌東風不作寒米囊花似夢中看珊瑚舊是王孫玦
瑪瑙猶疑內府盤嘶過驂騑金匝匝飛來蛺蝶玉闌干
瘴烟窟裏身今老春事傷心思萬端

晚至安寧

連然驛路馬曾諳落日行人思不堪地極九州銅柱北
山蟠六詔鐵橋南湯池水底皆陰火鹽井烟中半夕嵐

回首蓬萊天萬里忍教塵鬢白氍毹

自姚安出普湖

層閣飛鞚出寒雲萬木歸鴉亂夕曛山自蜻蛉川口合
路從鸚鵡嶺西分道傍築室新成市塞上屯田久駐軍
遠客誰無鄉土念悲茹吹動不堪聞

霍慶驛會吳人馮廣文閩人林稅使

馬蹄蹴徧陰崖雪直向居庸塞外行日落忽聞牛背笛
川平始見霍州城秋風千里萼絲滑暑雨三山荔子生

遷客相逢話鄉土天涯何限未歸情

送教授致仕歸金華

六十看山眼未昏草堂歸去卧烟村朝廷已許乞骸骨
衣食未須憂子孫上馬天風吹蓆帽落帆江月到柴門
羹芹炙背區區意他日難忘獻至尊

早發祿豐驛

驛樓燈火見西屯使者出門人語喧天寒馬渡此溪水
月落鷄鳴何處村六詔山川皆郡縣百年身世任乾坤

若為看見梅花發，忽亂鄉愁入故園。

鄧洲驛

平岡走馬神摩洞，荒驛聞雞鄧睽川。
丹壑洩雲朝翳日，玉泉陰火夜生烟。
一年殘歷愁來檢，萬里新詩老去編。
山水不殊人事異，中原歸計正茫然。

君山別業畫卷為王伯昂題

畫圖林壑起雲烟，使者高懷寄靜便。
背郭真成沆花屋，看山如坐洞庭船。
柴門黃葉鄰僧埽，石徑蒼苔野鹿眠。

如此故巢勞遠憶只應頭白是歸年

宿普安

漢婦良家子從軍歲月多生來小兒女唱得楚人歌

江頭絕句

小樹香櫟子疎籬扁豆花人情悲異土物色似吾家

揚州

揚州城下是官河春雨春風自綠波欲問繁華舊時事
太平遺老已無多

華陰駐馬橋

絕谷層關路屈盤
斜岡側嶂石巔崦
今朝駐馬橋頭立
華嶽三峰正面看

茅大方一首

大方字希董泰興人
洪武中為淮安府學教授
擢秦府長史建文時
官右副都御史靖難兵至
死於難有希董集

詩話希董集流傳未廣
集中如萬山入漢秦關
險孤棧連雲蜀道難
縱使火龍蟠地軸莫教鐵

騎過天河花間鶯避春城仗林杪僧歸晚寺鐘
萬里不來青鳥使千年空老碧桃花皆佳句也

塞門至銀州關道中

銀州西下忽都河降卒東來唱舊歌
星散諸營連斥侯雲屯萬里蔽沙陀
自嗟出塞春光少誰道臨關月色多
顧我鶴形非燕頤立功萬里定如何

胡閨一首

閨字松友鄱陽人舉秀才授都督府都事進經歷建
文中官右補闕陞大理少卿靖難師入不屈死

詩話長陵站難受禍者莫慘於正學先生坐方
黨死者相傳八百七十三人其次黃太常坐累
死者族子六十五人外戚三百八十人若胡大
理之死卽志稱其族棄市者二百十七人坐累
死者數千人妻兒於獄有把與狗喫了之旨載
奉天刑賞錄不知何以若是慘毒有過於方黃
者國史既沒其實不可得而詳矣大理少與吳
存輩講業長沙王吳為祠中畫一松於壁題曰
蒼蚪出盤繫之以詩太祖平陳友諒下饒州過
而見之喜甚問得其名及舉秀才入見帝曰此
題詩鄱陽廟壁者邪因
今通籍不遺一善若此

題畫松

幽人無俗懷寫此蒼龍骨九天風雨來飛騰作神物

劉璟一首

璟字仲璟青田人基次子授閤門使尋為谷王府左長史靖難師入稱疾不起下詔獄自經死有易齋無隱二集

詩話仲璟為伯溫仲子洪武辛未攜兄子腐詣閤帝命其襲父爵仲璟謝曰有先凡臣璉之子腐在不敵越禮乃設閤門使處之天台盧廷綱稱其詩云酒酣落筆詞愈工命意不與常人同清如水既玉盈財繁露和如大廷清廟鳴絲桐疾如黃河怒風卷清浪麗如錦江秋水涵芙蓉譽之未免過實

龜峰春意

振策陟龜峰極目散煩襟攀蘿越巘峯觀竒擁嶽岑氣
和濯柔荑景淑悅鳴禽澹薄白日輝游漾輕雲陰予情
亦何欲物理諒可尋芳菲三春意最屬千年心持此較
貞脆因之寄知音

高遜志八首

遜志字士敏蕭縣人徙居嘉興洪武初名修元史入翰
林為編修累遷侍講學士建文時加太常寺少卿靖難
後死永嘉山中有嗇菴遺稿

李時遠云太常詩深
純典雅成一家言

詩話高季迪送唐處敬序云予世居吳北郭同里友善者惟王止仲一人十餘年來徐幼文自毗陵高士敏自河南唐處敬自會稽余唐卿自永嘉張來儀自潯陽各以故來居吳而皆與予鄰於是北郭之文物遂盛矣是北郭十友其初士敏處敬與焉其後徙居礪李是以季迪懷十友詩不及也太常之死傳聞異辭革除遺事及吾學編皆云靖難師起存沒無考劉琳附膝錄謂戚庸兵敗自經柳琰嘉興府志謂卒於官趙太守瀛撰嘉興國紀稱大常卒諡文忠彭比部輅亦云未知何據亡友蔣之翘楚稱當出其族譜有先祖純仕讓皇帝為文淵閣侍書曾太常弟子有谷太常文其略云歲在壬午九月晦吾師士敏高先生卒師以國破家亡適影東甌雁蕩山中顧此疾苦僕從竄逸隻影自矢為西山餓夫天假之台小子藐亦以不死之身來偷息

於此相對若夢寐淚涔涔下侍吾師厓五十日
吾師竟長逝就瞑之頃指畫恨宇既而曰復何
恨復何恨者正吾師泣血椎心萬古耿耿之長
恨也統窮塗無以成禮林有巨木遭伐其腹枵
然乞諸樵叟歟而薤之芙蓉峰北嗚呼天降喪
亂蕭牆禍起君國殄瘁臣所當死博浪無椎環
柱失匕遁跡空山潔身以疾逝遁之間師師弟
弟命之窮兮師疾不起為營一坏山崖水渌杖
履莫追涕泗曷已然則金川門師入之後太常
自潔其身遠避未嘗卒于官其詩有云生死尚
無懾寵辱何足驚蓋矢之有素矣列朝詩集據
鶴林集云太常作周尊師傳後題洪武三十五
年歲次壬午春正月初吉前吏部侍郎太史河
南高遜志又祈雨詩後書云河南高遜志大明
洪武吏部侍郎因疑革除之後不署建文職官
故稱洪武第壬午正月靖難師尚未渡江讓皇

帝猶在位豈有預書洪武三十五年之事乎考
革除之命是年七月始下則二書題名蓋出於
道士未足依據也查菴遺業詩文各
一卷太常十世孫佑鉅博采成編

兵後南湖宴集分韻得可字

皇風邁中否微命亦遷播豈謂託喬林依然駭烽火前
年奔山壑去年匿檣舵妻兒怖欲死崩憂不知我賴此
干城將揮戈挽日隕趙佗既稱王天子詔曰可人能閉
殺機三光自寧妥湖波瑩宵鑑芙蓉顫秋朶且共醉明
月狂吟莫還舸

答徐以文

金俊民云以文名用章上虞人有詩見魏仲遠數文集或刻作徐幼文誤也

我本不羈士少年慕遠遊結交盡豪俠英風邈難儔浩

然志四海壘斷非所求羣雄亂天紀誓將除國讎驅馬

向京邑道路阻且脩曠望空歎息失計成淹留時哉苟

未會白璧寧暗投恥同五鼎食笑視千金裘素絲尚游

俠枚舉事俳優知己竟不遇行藏誰與謀芳時忽徂謝

冉冉春復秋人生久羈旅豈不懷故丘放歌吳門市洗

耳長江流雖然不得意嘗為蒼生憂心隨去雁遠目送

孤雲愁夫子經世士雖賢不見收何如共脫屣速駕凌
滄洲

題燕文貴秋山蕭寺圖

野性樂山水塵居違素心蕭然困疲役胡能遂幽尋恒
思愜所適勝槩恣登臨秋清景尤曠蒼翠列遙岑霜餘
委蔓草孤秀愛雲林畸人寡諧俗結宇丹崖陰浮念不
煩遣寂寞契沖襟况復過蕭寺禪誦有遺音簞瓢足自
老簪組知難任披圖憶所歷閱歲茲已深景物匪殊昔

但傷華髮侵何當脫塵躅歸休期自今

燕穆之楚江秋曉圖

曉曉曙光啟渺渺楓江白
天空爽氣清露滴千峰碧微
茫雲夢渚迢遞潯陽宅
五柳高且疎涼風起蕭瑟河漢
縱復橫分明見秋色
翩然鶴夢醒孤舟正攜客

適興

神理固莫測闔闔無時停
萬物盈兩間森然咸委形榮
悴從大化翻為勞其生悠悠
念往時飛空如流星先哲

金
卷十
選難逮撫已空無成嚴霜被中園蔓草猶青青晨夕自
游目亦足陶吾情

龍江紀事

避地龍江上扁舟似杜陵流離心欲折漂泊力難勝水
落橫魚罟林疎見寺燈窮塗何所託猶喜耦良朋

題盧元佐所藏江山圖

結茆曾住白雲間游宦多年客未還開卷偶然鄉思動
數峰渾似鄂州山

題陶淵明像

玉山頽矣葛巾偏老僕扶持步不前莫道先生渾不醒
醉中猶記義熙年

蔣兢一首

兢字維敬自宜興徙嘉興建文初舉人才授文
淵閣侍書

詩話建文諸臣自吾學編名山藏副書史侍史
竊史槩而外黃佐有革除遺事高壁有幽光錄
表祥有建文私紀陳洪謾有革除編年許相卿
有革朝志陸時中有建文逸史姜清有秘史王

會有野史來裝有奉天刑賞錄劉琳有捫膝錄
屠叔方有朝野彙編宋端儀有革除錄朱睦㮮
有遜國紀林塾有革除史補郁竄有革除遺忠
錄杜思有革朝遺忠錄鄭應旂有革朝遺忠列
傳張朝瑞有忠節錄考誤徐即登有建文諸臣
錄焦竑有遜國忠節錄汪宗伊有表忠錄趙士
喆有建文年譜趙啟元有遜國續鈔錢士升有
遜國逸書陳仁錫有壬午書朱鷺有建文書法
擬劉廷榮有遜國之際月表曹參芳有遜國正
氣紀周鏞有遜國忠紀周遠令有諫皇帝本紀
高世望有盡心錄以及奉天靖難記建文事
建文君臣逸事革除漫錄革除紀遺遜國臣紀
羣忠事畧就義編紀述者不為不多矣然類皆
惑於從亡致身二錄舉凡河西徧東湖樵夫雪
菴僧補鍋匠一一以姓名實之而吾鄉若姚侍
御瑄以姦黨誅藉見成祖實錄顧諸書反不及

焉又北平所司川縣官以清難師起棄職遠避
有朱寧等二百一十九人寧亦未有登載者至
於侍書之葬其師則諸公所未及知也予嘗面
請學使者以程公本立姚公瑄楊公任高公遜
志建四忠祠於嘉興而以侍書配食於高公之右
學使者諾而不果行也世有主持風教者表忠
之典冀吾黨
君子留意焉

長相思

長相思江悠悠洞庭木落三湘秋夢中不識別時路九
疑雲黯蒼梧樹翠華南去不復還雙蛾灑淚愁空山五
十哀絃離鳳語鷓鴣啼處斑斑雨長相思思轉深請以

白玉璞琢出相思心三湘之深東入海相思之心終不改

鄭桓五首

桓字居貞歙人洪武中舉明經官至河南左參政永樂初坐方黨死有閩南閩隴歸來檜庭諸稟

詩話侯城取友於林公輔病眼荒居貞最親故其詩云雄文不見林公輔病眼荒荒何處開又云每懷樛散鄭司戶喜看杞梓作孫枝又云林鄭為文學我家波濤議論閑無涯又送居貞入成都

詩云兩生萬里來講道愁寂寞寧知事多忤重
使欲離索林也前歲歸重來忘曩約鄭子今復
去南行踰嶽寧歟經待同勘蕪史期共削相須
左右肱理勢不可各金門盛才彥德星耀井絡
翩翩白鳳羣豈復少一鶴蓋居貞有翩翩紫鳳
雖一篇贈侯城行故答及之也遣意詩云相對
靡俗言共談止書詩選情或深契歡笑同解頤
於心有至樂天地亦可遺贈別詩云丈夫平生
懷豈惟安其身則以古道相勗矣侯城過林鄭
殆弟子而兼朋友者居貞坐方堂死於南京其
餘弟子未至作瓜蔓抄也鄭詩傳者無幾林尤
罕見曩在都日梁溪顧梁汾典籍得其手抄文
集塗乙尚存尋歸之崐山徐氏傳是樓惜未及
謄其副至今耿耿於懷侯城高弟惟王叔豐最
傳誦集中感舊詩有云杯酒論心有幾人天台
張穀舊相親精通八法楊文遇暗誦五經陳用

中立言過粹懷陳采肆筆縱橫憶鮑岡寫懷有
云伯尚庭前傾竹葉用中宅畔看梅花假有好
事者為之著錄以之配食
於木末祠中亦勝舉也

植檜

有序

河南政府有古檜十四株蒼翠特立有古君子
之操焉其一勢日偃側懼其久而益敝也乃啓
其培而扶植之噫孰謂人心之偏不可正邪詩
以詠之

鬱鬱堂前檜清陰庇長廊靈根蟠厚地直榦凌霄蒼雨

露相沫濡雲氣時飛揚如何一敬側衆中不成行爾性
本孤直何為若徬徨得非失培護母乃風雨傷一朝為
扶植老氣猶昂藏矯矯蚪龍逸翩翩鸞鳳翔物性尚可
治人心寧自戕凌霄聳高節歲寒矢弗忘大哉棟梁具
期爾薦明堂

洪武癸亥春以公事出會寧北境

四首

塔納城邊春水生百花原上骨縱橫荒郊露宿不成寐
一夜大風吹到明

雪山高聳入青雲下有黃河一帶分粉堞數家高作塞
黃羊十百動成羣

沙葱野韭隨時采蘆酒黃牛取次嘗萬里驅馳關塞外
忽驚風物憶江鄉

荒原人家今少存好田多是官軍屯前山遙見黑城子
渴飲不知河水渾

林右一首

右字公輔臨海人洪武間中書舍人進春坊大

學士輔導皇太孫以事謫中都教授挂冠歸有
林公輔集

題植芳堂

雅心慕幽潔時芳此堂陰端居寡俗好庶得觀物心苑
彼徑寸苗弱質恐不任靈雨及時降春榮萋以森農興
荷吾鉏逍遙步前林俟時冀采采敢使蕪穢侵靈均世
云遠高蹤邈難尋興言遺遠者媿匪瑤華音

葉見泰 一首

見秦字夷仲臨海人刑部主事有蘭莊集

詩話夷仲侯城之友其贈侯城詩云我友方濟
寧有子字希直而侯城集中有祭葉主事文云
昔我先公與公最惟我為童穉輒觀公文謂公
名人非我敢見乃辱愛知不我愚賤譽我勉我
得以友朋再薦而起實忝同徵升行千里連牀
接膝飛觴賦詩樂意橫溢蓋論文在紀羣之間
者也

蘭莊

霜風薄林泉衡門迹如埽賴有楚畹花相看慰幽抱芬
芳發懷袖落日思遠道遠道不可遺歲晏徒自好

許

繼一首

繼字士修寧海人洪武中台州儒學訓導有觀

樂生集

方希直云士修詩清雅俊潔出乎天趣
訕修而不浮意凝而不窒言暢而旨深

高妙處

有魏晉人格

韻非近世詩人所及

詩話士修自號觀樂生賦詩九章其言曰天地
間物物可樂也況垂象成形之大者乎塵土憂

勞亦人自為耳靜以觀之取其寓於目而樂於
心者為觀樂九詠九者何青天也白雲也初日

也霽月也丹霞也滄海也遠山也澄澗也古書
也侯城為之作傳其卒也又為之作銘稱為萬

志尚德之友而曰君言必出乎正動必由乎禮
超合取子成則乎古之君子而無所苟其精思

學力以求道德性命之蘊汲汲若或失之而有
得乎心沛然以樂不以貧賤患難惑其志予取
友二十年所交海內知名之士甚衆考其所存
莫有類吾士修者其心悅而推服之若是士修
夜坐詩云不意片楮間乃見古人心自道詩云
聖言久彌宣有求即可得皆守道之言也

述懷寄修德

昔遊登四明回望天台峰蒼茫見遠色積翠浮遙空維
時凝雪霽萬里來天風想像瓊臺觀杳在丹崖中真源
隔迷塗曠絕不可通烟蘿冷秋月夜雨鳴梧桐夢寐發
幽感徒嗟塵累蒙王子吹笙侶高情亮誰同清言契夙

心奮策得所從振衣石梁上思躡飛仙踪佳游復我愆
有懷鬱忡忡猶憐雙飛鶴來候巖前松

郭鈺一首

鈺字景南營國第八子贈定襄伯

詩話景南最為方正學所器有對而寄正學詩
云小齋頗幽僻窓扉亦豐敞新槐檐上綠細草
階下長寂無人事喧但愛雨聲響緬思同心人
吟懷共清賞亦復具韋左司體

夜坐

庭虛初月上樹響微風入棲鵲聽猶驚流螢隨還拾沈

沈寒漏緩隱隱餘鐘急坐久不知疲衣涼露吹濕

王 紳一首

紳字仲紹義烏人待制禕之子官國子博士有
繼志齋集

題墨竹

瀟湘江上暮雲迷落日無人翠羽低
一篷春雨鷓鴣啼
黃陵廟前宿

唐之淳六首

之淳字愚士以字行紹興山陰人應奉肅之子

建文初用薦為翰林侍讀有萍居橐

王元美云侍讀清麗

足稱美

世之美

詩話萍居亦正學好友正學稱其孝行謂君父應奉請死臨濠君辛勤跋履奉喪歸萍追求父平生題詠荒郵敗壁高崖斷石之間纂錄收拾如獲金璧時時伏誦凄切動人然則應奉所存丹崖集皆出其子所輯也建文三年命舉文學之士孫鑑戒錄正學實薦之召至即拜侍讀同事纂修是年閏月即病死元津街官舍蓋正學之友若夷仲士修仲縉皆先正學而亡故皆不及於黨禍也萍居詩流傳特寡聞松陵一故家有鈔本亟往購之已轉付新安質庫不可得矣

禹廟

昔在帝堯時洪水滔天流鯀功既不竟微禹吾其憂禹
敷下土方乃至南州維南有會稽玉帛朝諸侯少康
封庶子衣冠閭山丘遂令築祠宮俎豆巖之幽云何末
代下有穴肆探求明明太史公秉筆欺吾傳豈知大聖
人天地同去留厥言在洪範箕子授成周衣裳食息際
莫匪蒙靈麻皇皇古叢祠祀典明且脩空梁詭龍變亦
足為神羞

秦望山

秦鹿未云失龍駕此遐巡茫茫三神山虎視欲來賓時
維四海內孰不讎狂秦睽睽千萬目相顧不及晨尚采
不死藥樓船訪仙真意欲世無儒一身當萬春遂令徐
福輩奔走空辛勤有之諒莫至况乃無其人茲山幾春
秋草木被音塵上有李斯碑磨滅無復存下有神禹陵
佳氣日氤氲過者同歎息仁暴固殊倫

柯亭

蔡子橫笛處名存音則亡常時亭上人念此一慨慷慨
然官塗迴雜樹夾疎篁先秋氣已襲颯爽若含霜漁樵
夜各歸月出斗有芒微雲翳河漢龍火干正陽狐狸草
中號熠燿又宵行龜亡鳳不至何以慰軒皇我有嶰竹
枝頗復諧宮商藏之五百秋正氣慘不揚天地所愛惜
神人共嗟傷恒願起九泉從子返虞唐

嚴子陵墓

昊天厭新亂炎劉噓復然天子吾故人不事何其賢維

此一坏土體魄之所存清風激巖谷勁氣出蕭蘭中有
高空雲日夕相盤旋化為千尺蚪下飲清泠淵為霖既
靡試翻身入長烟我見重再拜毛髮凜冲冠緬懷東京
日惕然思執鞭

石鼓詩

有序

洪武丁卯秋九月余在燕城觀石鼓因賦四十
韻己己三月鄉友趙撝謙氏持墨本來京師俾

余錄諸卷尾

郡學舊辟雍中有岐陽鼓古今所聞十左右各惟五離
離大星隕兀兀壞雲補累累營窳滅落落陳沙聚質若
切玄玉制若覆冷釜氣若鎔五金文若斷釵股孤峰割
秋瘦千葩耀春嫵森嚴列戈矛爾雅冠章甫厓水溜靜
懸海暖浪掀舞推輶半折軸敗舫或遺艣小龍彭蠡歸
大鵬扶搖舉斷苔明碎錦古墨漬潤礎思昔委秦郊雷
電驚草莽來牛礪其角鑿白加以杵幸今依黉宮星日
照廊廡圭壁遜其儀俎豆與之伍脫非天意憐或是神

明祐深檐白晝永老屋翔鸞翫晴連畫戟陰冷濕宮牆
雨諸生獲講解髦士資訓詁啟鎗煩豎閣搨本利商賈
韋辭表姬周韓語懷李杜雄章迭鏗鉤遺恨寄酸楚紛
紜歐蘇作詰屈薛鄭譜稱評雖靡定仿佛詎非古鯁生
千載下匏繫三江潏神徒馳周南足不出城府適從遼
碣役遂作幽燕旅平生慕竒聞一日獲嘉覩初臨色愈
莊欲狎氣斯沮如親至東都揖讓申與甫如親與田獵
搏攫兕與虎如虛藜覓腹烹太牢肥羜如洗蜩蟬耳聆

笙磬杙啟羈愁破昏懣喜氣浹眉宇時維躔壽星歲甲
在彊圉天寒號鵠臬城荒茂禾黍宗周本余懷覽古亦
天與摩挲重圖訓蹶躅媿庠序聊陳曹鄠風式繼韓韋
武

和答孟熙見寄之作

少小承家學荏苒閱三紀譬之田舍兒所習惟耒耜力
耕不逢年饑也亦足恥朝英既已萎夕秀曷可恃忽枉
同志人妍辭寄深旨展誦累宿昔反覆悲復喜達生固

通人俟命則君子為山由簣升斲車自輪始勉矣期共臻報德媿無侶

袁凱十九首

凱字景文松江華亭人洪武中徵拜御史以病

免歸有在野集

張汝弼云景文渾厚含蓄遠逼盛唐李賓之云凱詩專學杜

陸子淵云海叟詩國初未見其比李獻吉云海史師法子美集中詩白燕最下最傳諸高

者顧不傳何仲默云我朝諸名家集多不稱

鄙意獨海史較長史歌行法杜古作不盡是要

其取法必自漢魏以來者蓋具體而未大耳

徐子元云景文師法少陵格調高雅奚止白燕

莫子良云景文志窮騷雅力挽顏龐詩非少
陵勿道是乃得其髓不獨咀其華領其神不獨
標其格讀在野集寥寥數簡令人有一唱三歎
之思焉王元美云袁景文如師手鳴琴流麗
有情高山尚遠胡元瑞云仲默於國初詩特
推海叟其詩氣骨出高楊上才情勿如也何
元朗云袁景文古詩學逸近體宗杜格調最正
顏玄言云景文才情迥拔往往有奇語俞
汝成云誦海叟詩知為恬澹先幾之士蔣仲
舒云景文如兒鷹試風雖未長成已自縱快又
云雖未登大雅之堂寔已超宋人之乘程孟
陽云海叟詩氣骨高妙絕去雕飾天然道貌即
之冷然自宋元來學杜未有如叟之自然者
陳卧子云海叟亦能作俊語李舒章云海叟
如三吳解事子弟頗有游涉未登堂奧宋韓
文云景文秀不及季迪健不及伯溫而體格莊

雅時見逸思故獨

為仲默所推許

詩話姑雖子斤楊鐵崖為文妖惟詩亦然雖才
情橫逸而習氣太深沿其派者高則溫岐李賀
下或雜以宋詞元曲孟載子高皆所不免獨海
叟純以清空之調行之洵不易得然合諸體觀
之則不及李迪伯溫尚遠何仲默推為國初之
冠似非篤論也世傳海叟賦楊白花有詭之者
曰欲種楊樹於深宮將薛花夢於何地海叟聞
之遂佯狂騎烏捷杖木笛行九峰三泖間徵典
郡杖不起對使者歌月兒高一曲是又河西儒
補鍋匠之亞矣海叟居松江府治東門外崇禎
未單麻城恂即其址構白燕菴李舍人待問書
聯於柱云春風燕子依然入大海鰻魚不可尋
相傳孝陵有言東海走却大鰻魚何處尋得為
海叟而發也恂字獨菴庾辰進士以詩文名待

問字存我癸未進
士精書法死於難

楊白花

楊白花飛入深宮裏宛轉房櫳間誰能復禁爾何為高
飛渡江水江水在天涯楊花去不歸安得楊花作楊樹
種向深宮飛不去

陳卧子云
感慨深長

書北山精舍壁

夙昔慕幽曠中年值奔走及茲始知返顧已成皓首茲
為山水選風氣固深厚宰律皆巖壑縣邈盡林藪清泉

瀉幽磴白雪被層阜既多緇錫流況有耕釣叟初心已
云協雅言得兼受始來疎梅隨復此山櫻剖庶幾去日
遲誰謂行當久揮手謝朋侶吾將寄衰朽

陳卧子云清
整之作其源

出於
王琴

馬氏西園宴別吳進士善卿

竹陰連水屋荷氣集池臺南國佳人在西園高宴開好
風因樹起新月度河來別後江潭上離腸日九迴

送李高士歸荊州

南京高宴罷西土遂言歸江路猶殘雨荆門正落暉蓬
生仲蔚宅秋入老萊衣明發思君處蕭條鴻雁飛

送任李二高士歸越

老去任公子重來李少君仙凡初不遠江海自離羣水
遠吳宮樹山連禹穴雲汀州有長笛日暮不堪聞

村居懷京下一二友生

罷職非能吏歸田即老農有詩聊度日無字可書空白
髮將誰念黃梁且自春故交能問訊家在五湖東

思歸簡嚴八

天高風正急鴻雁傍人飛江外無來使淮南盡擣衣悲
歌聊當泣遠望亦同歸為報嚴夫子滄洲與願違

春園

春園江水上江霧日昏昏沙暖長垂釣花深不開門家
童鉏隴麥野客共盤飧衰老仍耽酒經年嬾出邨

懷王道士

宣城王道士愛著芰荷衣一自清江別三年白雁飛酒

徒隨處有冗客向來稀最憶青城夜狂歌不肯歸

登浦上閣

高閣春波上登臨獨愴然故鄉從此去久客未言旋
好誰家屋帆輕何郡船朝來有微雨應灑郭西田

泗上書懷

為客山川遠封侯歲月遲後生方爾汝吾輩復驅馳
豈是逢迎倦深知氣力衰還將歸老意先報海鷗知

客中除夜

今夕為何夕他鄉說故鄉
看人兒女大為客歲年長戎
馬無休歇關山正渺茫
一杯柏葉酒未敵淚千行

京師得家書

江水一千里家書十五行
行行無別語只道早還鄉

無題

門外青青草今年更覺深
前時玉釵墮侍婢不能尋

淮西夜坐

蕭蕭風雨滿關河酒盡西樓
聽雁過莫怪行人頭白盡

異鄉秋色不勝多

吳明卿云
悲惋欲涕

客中夜坐

落葉蕭蕭江水長
故園歸路更茫茫
一聲新雁三更雨
何處行人不斷腸

淮東逢張十二信

少年追逐共西東
吳邁文章馬亮弓
一自干戈零落後

白頭淮海獨相逢

李時遠云唐調
易然杜法脈

程孟陽云似乎率
李舒章云似乎

美存沒口號

朱子若

云學杜不當如是邪

寄三江王六秀才

滄洲荷屋晚秋時
橘柚青黃滿戶垂
安得扁舟趁潮去
醉看江雨散輕絲

題蘇李泣別圖

上林木落雁南飛
萬里蕭條使節歸
猶有交情兩行淚
西風吹上漢臣衣

王元美云頗見風雅
詞情意妙絕無比

李時達云鎔
陳卧子云不減

李益

漏 瑜 一首

瑜字叔瑜一字大美別號越南會稽人革除間

河南道監察御史有石軒集

張園貞云大美寓居烏墩烏青九老

其一

也

詩話侍御潛迹江湖締交耆舊宣德中在烏墩
為九老之會時趙巖伯高年九十一吳煥汝文
年九十趙岐伯通年八十九孫孟吉兆禎唐其
諒年八十五水宗達朝宗年八十二叔瑜與壺
啟中行錢郁耀宇年皆八十餘時人有詩紀其
事云景迫桑榆盡日閒更邀同志效香山尋常
樽酒頻酬勑適意林泉任往還心遠自忘塵世
事年來不鎖利名關莫言九老非前比養得天
和總一般流傳以為佳話巖宋安定郡王後洪
武中官儀塞司序班岐安康郡王後孟吉革除

問太常博士其諒革除間以文史院出署天長
丞郁湖廣石門知縣熾煥孟吉敏皆烏墩人岐
青鎮人宗達吳江人其諒鳳陽人郁臨安人敏
好乘舟玩水時號浮澗先生著有竹松集煥有
怡安集烏墩一曰烏戎亦曰烏鎮又曰烏陀青
鎮即青墩也萬厯中何出光撰蘭臺法鑒錄凡
任御史者書其名系獨不載叔瑜
殆以革除間任舊籍去之故爾

明妃怨

萬里黃雲塞草枯琵琶無語月明孤玉關
回望將軍寨
錦帳氍毹夜博盧

龔詠二首

詡字大章崑山人父啓洪武給事中戌五開死
勾詡補伍守金川門靖難師入變姓名王大章
遁歸更二十餘年禁稍解賣藥授徒周忱撫江
南薦為學官不赴既卒門人私謚曰安節先生
有野古集

為彥中題畫

青山之青如佛頭白雲化作寒泉流世間塵土飛不到
眼中景物俱清幽若人自是好靜者豈非五柳先生傳

每託琴尊寫高興脫屣樂從魚鳥游却笑時人苦不達
漏盡鳴鐘猶未休君不見小虞塘西玉峰下一菴已遂
吾菟裘共論心事肯相過斗酒當為山妻謀

竹枝歌

朝見浮雲飛出山暮見浮雲飛入山浮雲自是無心物
郎既有心何不還

魏澤一首

澤字彥思溧水人刑部尚書靖難後謫寧海典

史

過侯城里

筍輿衝雨過侯城撫景悽然感慨生黃鳥向人空百轉
清猿墮淚只三聲山中目可全高節天下難居是盛名
却憶令威千載後重歸華表不勝情

袁敬所一首

敬所不知其名靖難後流寓常山之松嶺酒酣
書五柳圖詩擲筆悲吟繼以潸淚有江右布商

見之曰此吾鄉某編修何為在此敬所趨掩其
口不顧而去

題淵明五柳圖

藜杖芒屨白布裘山中甲子自春秋呼兒點檢門前柳
莫遣飛花過石頭

明詩綜卷十八

謹案第二十頁後三行忽都應作呼圖克但入詩
平仄不協姑仍其舊 二十九頁前七行塔納
舊作答納今改



總校官庶吉士臣張能照

校對官檢討臣龔大萬

謄錄監生臣李士勳